

萬曆辛亥京察記事始末

萬曆辛亥京察記事始末卷之七

汝南周念祖集次

戶科給事中官應震爲時局紛囂無已人情惶惑  
轉深仰祈

聖明申飭各捐成心共偕大道以適蕩平之理事臣  
觀近日言者多以撩虎幾至批鱗

明旨切責言官屢矣顧監謗雖嚴防川未易不聞三  
緘以閉允乃反百喙之交鳴且一曰門戶再曰門  
戶普天率土南北東西誰非臣子直介介然分別  
如是臣切憂之願臣以爲論俗流雖江湖日下而

莫返論主柄則聖明轉撥而有餘與其切責徒施  
于言者曷若併被言者而明示以和衷也與其既  
有言而嚴督之曷若未有言而隨事先機嘿解而  
潛移之也臣卽日前如文選司河南道兩事而知  
皇上申飭有不可不早者周應秋因人言 請告去  
在旦夕矣說者謂欲起一人焉掌銓以其人門戶  
人也而議論紛焉臣不知爲何人爲何門戶獨計  
銓有銓序來者想自應來但其來也貴善自處耳  
誠大公以持衡鑑之空平而無我以酌流品之涇  
渭凡一切進人退人毫不以異同起見則善于銓

者也此不可不蚤申飭者一湯北京因辨駁乞骸  
亦去在旦夕矣說者謂移劄一人焉掌道以其人  
門戶人也而議論紛焉臣不知爲何人爲何門戶  
猶計臺有臺資出者諒自應出但其出也在善目  
處耳誠聯衆御史以無黨無偏而佐都御史以至  
公至正凡一切議勘議差毫不以異同起見則善  
于臺者也此不可不蚤申飭者二不然下固擾擾  
上固悠悠勅諭不干其先而督責徒于其後雖  
戶說以耿論何益矣臣歷觀已事時情之造意雖  
秘而機關之吐露常先一人也而料其寃道媒孽

尋果媒孽矣一事也而料其究至蔓延尋果蔓延  
矣一疏也而料某人唱之某人必和某人之和之某  
人結局後果然矣一言也而料發縱自南定照應  
在北發縱自北定照應在南後果然矣卽如熊學  
臣之被勘不在于勘之日而去年譙士數語已蚤  
知之也許副院之被論不在于論之日而行取題  
留一事已蚤知之也雖諸臣各自有本末言官各  
自有意見而詭者以爲釁禍所由皆從不入門戶  
致之假令當日有告于

皇上者

上祭德音預爲剖判其是非而消鎔其水火亦何  
至今日之呶呶哉嗟乎嗟乎鹽梅合而成味祝嘏  
合而成音和故也人臣比肩事主共期濟國何必  
分門頃見冢宰總憲互相執爭夫冢宰則有吏部  
職掌總憲則有風憲事宜各守各官何嫌何忌而  
亦嘒嘒乃爾選司冢卿之屬也河南道總憲之統  
也柄銓者以和倡而選司以下皆和矣柄憲者以  
和率而河南道以下皆和矣總之是非終有定衡  
世路原多平坦或以虛公賈怨不得因前車之覆  
而另設藩籬或以執拗招尤不得仍故輒之尋而

永堅城府此又柄銓柄憲者所當兢兢而爲後來  
小臣作模作範者也伏乞

皇上啓之以離明決之以

乾斷明綸一煥于部院大小見在未來諸臣預化其  
異同之界共躋于皇路之平爲輔臣者亦秉公心  
而立于四虛無倚之途何慮舉朝臣子不釋忿悁  
而遊玄同也書曰同寅協恭和衷哉又曰不和政  
龐臣願諸臣共守之矣惟

聖明裁啓臣愚特任拳拳

癸丑七月十六日

雲南道御史過庭訓爲朝議紛糾日甚人材挫折  
太多謹酌虛平之論懇乞

聖明俯賜採納以息紛糾以培世運事竊惟人材之  
盛衰實係世運之否泰而議論之靜躁又關人才  
之盛衰試觀今日之議論從來有如此之紛糾否  
今日之人材從來有如此之挫折否邇流窮源則  
皆以門戶兩字深入于心髓而不能一時洗滌耳  
皇上若不及今亟爲分別將來之禍恐有不可言者  
宋臣歐陽脩有曰朋黨之說自古有之在人主辨  
其君子小人而已今日門戶之說卽昔年朋黨之



說此非君子小人之定評乃君子小人之混名也  
槩收之則熙寧元豐之覆轍可鑒盡弃之則白馬  
清流之貽禍甚慘從中寬爲收採而嚴爲區別則  
漢文之治所以侔德成康而宋仁之治所以享國  
長久也

皇上亦知門戶之所自來乎自倜儻非常之士遭時  
不偶久擯不用擇其中之氣節較著學行純備者  
以爲盟主而其立爲教法又多祖歸斯受之不拒  
追之大指此門戶之所自來也自臺臣吳亮發願  
憲成救淮撫之一書因而具疏有云臣東林人也

知有東林而已等語于是攻之者與救之者紛起此門戶之議論所由盛也延及于今而滋蔓極矣顧就其入于門戶之中者自有異同有激于高山仰止之念而願爲執鞭者有生平受其知己之恩而奮身酬報者有胸中原無特操隨波逐流一入而不能出者有念切熱中借以覆蓋令人莫敢誰何者此則就門戶之中而其品區以別矣卽就其出于門戶之外者亦自有異同有念本空洞不欲借人以爲重者有中多忿激必欲擊之以快心者有依違觀望四面占風而故無所着者有外託之

于六通四闢而其中實不可方物者則就門戶之外而其品亦區以別矣據臣耳目所記覩如宜興知縣陳翼飛躍出于門戶之外者也而以不檢論罷清浦知縣徐培植竄入于門戶之中者也而亦以不檢議黜原任兩浙學臣陳大綬人知其爲門戶中人也而秉公執法當爲一時所僅見原任常州知府杜承式人知其非門戶中人也而清貞方執雅爲地方所思慕諸如此類蓋難枚舉矣若主入者奴出者曰必入之爲君子而出之卽爲小主人出者奴入者曰必出之爲君子而入之卽爲小

又何以服兩家之心而息紛紜之議也今諸臣之章疏具在

御前

皇上若一一檢發則議論之孰平孰偏心術之孰公孰私不啻較若黑白而辨若涇渭也惟槩以留中爲優容以故甲可乙否朝夷暮貶心心有主喙喙爭鳴以意見之異致議論之相角似有不共戴天之讎以議論之激致人材之剝落幾有舉國一空之勢此在諸臣固無所逃罪而

皇上亦何辭于當斷不斷也哉大都今日之人材卽

未必有大聖大賢如伊傳周召之類亦未必有大  
奸巨惡如莽懿溫操之儔節收偏取則可脩于城  
股肱之選者材固不乏洗垢索瘢則可供斧斤牛  
羊之具者人亦不少若必欲同已者進異已者逐  
則笑談便爲射的修士定無完膚卽可以快一時  
之忿而國之元氣所傷者多矣目今副憲狼狽  
去國總憲相繼出都而冢臣亦決志求去不可  
爲明鑒乎故臣願以虛之一字破諸臣門戶之偏  
見尤願

皇上以斷之一字剖諸臣門戶之宿根而臣更有說

焉門戶之偏見原起于在朝與在野合而爲一  
在朝者欲借在野之聲望以爲重而在野者又欲  
借在朝之權勢以爲援總因廢棄之臣日積月累  
而永絕

賜環之望故門戶之見此倡彼應而終無息浪之期  
耳若將廢棄諸臣

勅下吏部分別起用則在野之覬覦已息而在朝之  
議論漸消是正所以破糾紛之見也枚卜大典  
盛世則獨操之于天下季世則分操之于權臣亂  
世則互操之于宦官外戚年來則操之于散處山

林而參與 朝政之人既必有所推戴于此則必有所驅除于彼在野者無有所獨擁則在 朝者必有所協應數年之間資望相應之人多所驅逐而議論迄無歸一者大率坐此門戶亟舉枚卜之典者是亦所以破紛糾之見也頃者

皇上提出門戶兩字而攻擊煩囂等語屢見于聖諭中臣莊誦再三知

皇上之廣識朗鑒超出于尋常萬萬也明知之而明斷之是在

皇上一轉念間耳紉茲疆場多敵天災示變夏秋之

交逢雨爲崇都城內外平地幾成江河人民湮沒  
不可勝數東南財賦之地亦多類此大小臣工正  
宜一德同心講求禦侮之方拯救之策豈宜自相  
矛盾多所挫折幾成机捏之氣象也總因

皇上之一槩 留中漫無區別醞釀至此耳

皇上倘一念及亦何忍以

祖宗清和咸理之天下養成不陰不陽之天下以數  
十年作養培植之人材視爲可有可無之人材哉  
是日當及今挽回矣臣不勝激切待 命之至

癸丑七月十六日



禮科給事中元詩教爲臺臣發難有因借事造言  
可駭謹平心糾折仰候

聖裁以存公論事臣于本月十四日接邸報見御史  
周起元一本爲銓臣蔑

肯擅權等事蓋言冢宰近所推年例也而中間忽插  
有科臣爲之畫策何攻不克等語至末又云雖有  
善畫三策者無能爲效煥一籌則皆指臣矣夫年  
例之舉何歲無之舉之而當耶其人可以自安舉  
之而不當耶其人亦可以自信故未舉而惴惴懼  
及已舉而嗷嗷相爭皆義之所不敢出也今日之

推欲駁則駁請停則停是在起元耳何與臣事而突以一矢相加遺耶臣再三循省不曉其故時有語臣者曰是必此中二三私昵造爲此說密授起元共圖傾陷者臣曰是誠有之然起元所以卸臣恨臣若有所深怒積怨于臣而不能旦夕忘者却不在此第就起元之疏以窺起元之心乃專爲都御史孫瑋及原任祠祭司郎中鮑應鰲耳蓋臣嘗以三策諷瑋使之自裁而應鰲之乞點吏部庶復不自揣一再言之卒狼狽以去此舉朝所共知者也起元爲應鰲耶而翼之以有今日又

之卽去欲得其所甘心者而假手焉以此發難言  
有由矣然其中事理實有大謬不然者臣請從言  
之以與起元釋忿而息事可乎起元之誦應鰲也  
曰清貞曰端謹矣果如所云豈不稱表表賢豪間  
哉然而非也臣不言其曖昧者與其反覆者姑摘  
其出處大節焉以祠郎而潛管銓部之推戀戀獨  
懸三載終夜作京堂之夢以被論而敢違分別之  
旨明明另創一題連篇移禮部之咨此等心術此等  
舉動清貞乎至無耻乎端謹乎大不敬乎起元應  
自知之矣卽如近日御史湯兆京溷寫

勅印增減

明旨與媚王圖之事並發曾不聞片語引罪手

至尊之前而臨行一疏且公然曰自罷威福予奪若不復在 朝廷也者吁可畏哉起元之所謂清貞端謹者大都如是而已至于孫瑋之擢總憲也不難舉數年首推之呂坤一旦易之曾不旬日得

旨斯已奇矣而爲瑋諱者雖擁憲臺尚窺銓席乃未幾謬有並勘學臣之事相構相激馴至于敗謀冢宰不得且併總憲而失之蓋亦天道焉勢之所至事已無成起元遂不勝憤憤爲此一網打盡之計

逞已之志空人之國而忍貽

主上以孤立之禍嗟嗟尚何言哉然熊廷弼之勘自  
輔臣以下及南北臺省諸臣言之不可者才之九  
不獨臣也且臣所畫三策亦何負于瑋哉既不納  
臣之上策又不採臣之中策而謬以臣之下策事  
試取臣疏出固不能去尤不善二語觀之臣不幸  
言而中矣瑋應自尤臣則何罪嗟嗟起元柰之何  
不深長思耶夫起元誣臣畫策不過曰臣爲冢宰  
鄉人耳今輔臣非起元之鄉人哉臣嘗謂如輔臣  
者猶足爲善而當國以來七年之久用人行政缺

漏殊多則爲之畫策者誤也長安嘖嘖每云邇來顛倒黑白焚惑上下自涂一漆而外實繁有徒起元得非其一與蓋自門戶之名立遍布羅網橫生戈矛強梁者不論理而爭氣陰險者不據實而摭虛正人君子慮無不時時自危辛亥假書一紙傾害忠良幾無噍類流毒至今而起元更爲畫策兩字尤而效之其故智也禍機所伏名節所係臣不可不辨但臣曰無起元必曰有空以口舌相爭何益伏乞

皇上立勅起元明言所以或冢宰招臣畫策成臣

策進之冢宰或從自己偵見或係某人傳聞的在  
何時得于何處有一于此臣甘重譴死有餘辱如  
臣畫策無狀起元捏造不根徒以修總憲之怨而  
報祠郎之德則所恃朝有公論國有刑章幽  
有鬼責臣爲起元凜聽之至

癸丑九月十七日

禮科都給事中周永春爲邪臣恃勢咆哮橫惡已  
極謹據實直陳仰祈

聖明卽行誅竄以除第一禍本事臣見戶部雲南司  
郎中賀煥甫登仕版輒橫言官肆無忌憚心甚  
憤之因訪知其交結權貴深根固蒂恃勢爲惡諸  
不法狀卽欲請 尚方劍以誅此孽會臣有狗馬  
之病幾死彈文遂不卽上今臣旣不死當爲

皇上除一巨奸以報

皇上作養之恩以明臣愚觸奸之職分卽犯奸鋒誼  
無所避本月十六日因御史周起元爭年例三臣



波及于臣臣出䟽應之末畧點賀煨姓名使煨知  
久犯公惡善自爲計是臣雖指煨猶愛煨也乃煨  
不自悔罪浚口橫噬蓋自知其嘔血將死神人共  
憤故謂臣授方略于同類以挾制言官欲罵坐一  
場大家共散耳臣敢避其兇鋒不一直糾之乎按  
煨祖賀邦泰督學晉中御史孫居相曾爲領案以  
此與煨父賀學仁結爲兄弟最稱暱厚丙午南場  
人言嘖嘖居相有過流言一䟽痛眼淮揚巡按黃  
吉士吉士辛亥入察藉居相中之也又沈正宗之  
叔沈令譽聯姻學仁令譽子卽學仁長壻也當于

王立通書王士騏干進悞墮沈一貫阱中苦則甚矣品于何有自投入東林聲勢赫奕正宗與煥捨身爲奴而又託起元輩紹介于王圖爲秦人護法故得罪秦人如劉國縉王紹復者起元捏造假書中之及兩人被處與論譁然正宗乃以借題叅紹敬矣朱一桂以言察事得罪秦人正宗又借題叅一桂煥又捏紹敬賍私累累矣之人也所稱爲秦人畫策者是耶非耶羣奸交結比周爲惡而煥父子又慣習賈宰相之術如郭正域物望攸歸大拜將及又思賤之會天不憖遺事迄無成蓋天以完

名付正域也

國家二百餘年湮惡部臣一見于

鄭材再見于賀烺然材借王錫爵之勢叅一堂官  
今烺借羣奸之勢抨及衆正逐南北卿貳有如拉  
朽罵南北言官有如僕隸烺之潑惡蓋十倍于鄭  
材矣若其居鄉居官種種惡狀如貪荆一科之妻  
而致荆本厚縊死謀賀本立之房而立死本立于  
羣兇之手指送春元而索商人銀三百兩指留徐  
州衙指揮餘米八百石令其哭歸如此之類罄竹  
難書臣猶不欲盡形之白簡也乃曰局外之人風  
馬牛不相及也第令其以局外之人而不問局內

之事藏頭匿影亦何至得罪于公論且區區么麼  
奴惡足煩請劍之牘耶其曰欲致辨者甚多或從  
夜氣清明時吐出此語雖悔無及伏乞  
皇上大振朝綱將煥先行革俾所犯人命事情  
勅令彼處撫按從公究問將奸黨周起元孫居相等  
盡行斥逐以爲結黨亂政者之戒庶禍本除而  
宗社寧謐臣報

主之心或可少盡于萬一矣臣不勝激切待命之  
至

癸丑九月廿五日

四川道御史田生金爲部郎放肆已極 朝廷法  
紀蕩然想乞

聖明嚴斥匪人以儆官邪以清仕路事謹按戶部郎  
中賀煥本一浮薄浪蕩之子家累鉅萬富壓江南  
憑依豪俠爲腹心昵比奸棍爲牙爪無門不掃有  
徑必趨由銅臭而博科名藉冰山以張氣焰橫行  
戚里凌虐縉紳長安久有煩言士類僉爲切齒煥  
知輿論共棄計畫無之密結強援明藉廕庇仍復  
潛伺意指播弄雌黃張吻噬人恬不爲怪曩者無  
端攻御史周達併波及史繼偕王紹徽等通國

之口且笑且憎以爲煨何人斯突出于此而煨揚揚得意自謂奇功識者誰不洞其肺肝哉頃見冢卿趙煥言將去煨不勝其技癢乘給事中周永春一言之及咆哮萬狀語無倫次而其最無忌處則在時局已翻四方之黨已合鈞黨之勢已成等語夫黨之一字從來小人禍人國家未有不以此投間抵隙者煨攻言路而發此難端則將四方之英雄豪傑盡納之陷阱乎設心何其險也若夫時局二字臣尤不解夫人臣事

君千古此道安有所謂時局也者不啻于職業之內

而營于時局之中豈復有人臣禮哉想煨之耽耽  
逐逐另有一局懼其變易不勝沮喪故爲時局已  
翻之說以號召同志乎何其言之鄙也且所謂時  
局者從何起結是否公私應否仍舊果否翻改何  
不直言于

君父之前而設覆以待天下士哉臣謂旣名時局便  
自應翻煨何戚戚焉爲是不必然之慮也煨又謂  
半 朝傾附永春以鉗言者之口夫永春七品言  
官十九 請告微獨臣不識其面卽詢之同咨諸  
臣鮮有識者半 朝附之何爲士君子立身行已

自有廉耻大小臣工自有紀綱 朝廷自有體統  
煥以部郎而欲操大臣之去將以閑曹而欲持言  
官之長短攪亂世界顛倒乾坤欲何爲者且今之  
天下人情如此其兢也議論如此其多也大僚如  
此其凋謝也正士如此其剝落也臣嘗有培養人  
才之議形之奏牘而煥濫厠簪裾如虎傅翼掉三  
寸之毒舌恣一網之驅除蓋其慣弄機關東挑西  
取南中士紳大半罹其辛螫而又席其故知濁亂  
常可謂世濟其惡者矣郎署清曹安得容此匪  
人竊據其間哉周永春周起元皆



陛下侍從臣也言官水火近日變體是非曲直  
皇上諒有處分獨如煥者以開佐開機械愈深以爭  
益爭戈矛更慘且邪黨之說一行空國之禍指  
日此清時之妖孽毒類之蠹賊也說者謂煥見司  
錢穀穢暴多端其家居惡跡種種駭人聽聞臣姑  
不敢臚列以傷雅道謹撮其大概糾邪舛正如此  
再照此番之爭爲臣衙門年例職掌致有今日憲  
網所係

明旨自存然非賀煥得越俎也伏乞

勅下吏部將煥罷斥以爲人臣險邪狂逞者之戒世

道幸甚

癸丑九月廿五日

貴州道御史黃彥士爲時事一變世事可虞懇乞  
聖明亟剖是非以固人心以振

國法事臣聞物反其常爲變變者人君所警懼而防  
制之者也誠取

祖宗二百餘年事體揆之今日其人心 國法可謂

得其常哉謹爲

皇上陳之大臣者

皇上託重而持力者也數月之間而副院許弘綱去  
矣總憲孫瑋去矣今冢卿趙煥又去矣弘綱黷汚  
者去之也瑋依傍者去之也煥驅除者去之也所

以去不同其去一也今日列在庶位者幾人起之  
田間者幾人拔之積滯者幾人能堪此離散耶以  
九列之長庶務之煩而徒令會推之牘盈紙署篆  
之請屢陳成何光景則官守變矣 國家之設  
言官何爲也我

主德有曠闕則爭之政事有得失則爭之人才有邪  
正則爭之故昌言日聞而 國受其利也今舍道  
德而爭利祿訕是非而伸門戶置 國是而護私  
人東挑西激此倡彼和甚至宜爭者爭不宜爭者  
亦爭局內者爭局外者亦爭但係門戶之人卽肆

雖黃之口以都俞吁咈之地成風波詭譎之場

國家負官官負國家耶則言路變矣去留之際  
令其之大節也應留者予留固以布

君之德應去者予去亦以尊

君之權故法有必行而人滋玩也乃今去未決而留  
之

旨頒頒去已先而去之

旨徐下意行而令從之臣制而

君聽之豈上無王度之

主下無通達

國體之佐而任其頽廢蕩盡邪則正

紀法變矣此三者非小故也所以致此者特以是非混淆而

皇上一槩停閣不卽剖斷其間雖稍有處分而根底未破壁壘愈固在大臣則行之而得者無解嘲之地行之而失者亦無謝過之門在言官則爭之而是者無以服其心爭之而非者又無以折其口以臣度之今日事勢斷非調停之術所可解救也然皇上靜攝以來離羣臣久近日人情趨向誠有不盡知者則爲

皇上任其責者非輔臣誰屬也輔臣于門戶之故

之熱矣。竊援之。奏憂之深矣。而未聞爲

皇上一別黑白者。大都避權避怨二端也。避此二者。以自善。則可耳。豈所以任天下之重哉。且人臣所乘者。孰非

皇上之權也。惟陰竊而陽避。則市德而鼓怨。若其兼聽並觀。開誠布公。不以同異生愛憎。不以南北成水火。則寄

天子之權。而非以侵

天子之權。併小人之怨。而正以釋君子之怨。豈非光明駿偉之業哉。况夫酌張弛寬猛之宜。布正直蕩

平之孰自是輔臣職分非徒弘濟時艱宜爾也伏  
乞

皇上立論輔臣或同九卿科道詳審酌議已去諸臣  
孰宜去孰不宜去孰宜起用孰宜休致明白剖分  
自後諸臣去留一取

上裁有擅行者作何懲治 嚴勅言官凡有建白俱  
須軍國公務隨事糾正其有挾詐懷憤罔上行私  
者從重處治而又申飭畫一之法期在必行庶聽  
觀一新頌聲漸息羣小可渙大道可偕矣臣曷勝  
願望之至

癸丑九月廿九日



兵科給事中趙興邦爲臺臣機械有餘器識不足  
據理糾駁以伐邪謀以重臣品事太宰趙煥推孫  
振基等三臣年例都察院不得與聞孫居相力爭  
衙門職掌有銓臣擅議之疏糾彈趙御史風裁自  
當及至中篇忽見楚借齊勢之語臣歎曰有是哉  
居相爭職掌則爭職掌叅太宰則叅太宰齊楚之  
人如何相借近來小人傾陷君子習爲常談不謂  
居相亦復蹈之科臣吳亮嗣官應震實係楚人出  
疏自明此不過拭其唾面義不受居相之辱居相  
不勝玩弄謂其草疏之時稍欠斟酌信筆揮出實

出無心嗟乎是何

皇上試問居相言官不能自樹借人之勢是何言官  
借太宰之勢驅逐總憲是何人品全楚人才

皇上培養之甚難諸臣砥礪之不易止一無心之言  
頓令楚之官箴人品無不掃地居相何不自反猶  
恠楚人之詞而以盛氣相加遺耶況乎一語之譏  
深于陷穽庸言之慘勝于戈矛下筆之際當天地  
臨之鬼神鑒之子孫生機係之天下萬世公論所  
共評之是宜何如斟酌可作尋常戲墨爲也至于  
人之智量不甚相遠而愚夫愚婦亦自難欺此等

機械盡出無心周永春之疏列孫鼎相之善鑽鑽  
調乎居相之性京堂爲破壞成例乎品亮嗣不謂  
居相兄弟驟蠲清要不無他端乎官應震不指居  
相爲噉名之輩附勢之徒結成一路首尾相應順  
之有福逆之有禍乎臣科諸臣必非無心之言經  
幾番斟酌而後對之

君父者如諸臣章疏亦概託之無心則居相兄弟信  
耶不信耶居相本欲傾陷楚人以報總憲則無端  
牽合太宰以陷楚人小人之肺肝豈能逃君子之  
見尚復愚視天下而巧弄筆端一至此哉居相臺

臣也臣謂事關臺綱則居相當爭若夫年例之推則居相不必爭何也在內在外人臣不得擇官義也三臣年例誠無當于居相居相既抵死爭矣伏譏暗刺株連蔓衍種種機鋒至使人不敢近矣臣見昔年臣垣朱一桂剛腸勁氣秉正嫉邪羣小力排異己謀推年例當時人情之惜一桂不減居相之惜三臣獨以言責官守皆 朝廷之官大體當存故至今無爲一桂爭者居相乃欲

皇上立三臣仍入班行恐三臣之重臣品甚于居相之重班行何居相之俗視三臣也居相查有周

用賓朱鴻謨由南補北陞京堂故事因指曰京堂  
趨于年例之外者假使今在年例之中人有爲居  
相爭如居相之爭三臣者想居相沾沾自喜耶由  
此以推居相之心則有廉耻可捐身名可喪班行  
必不可以不久其識見人品從此可樂覩矣當邪  
正陷爭羣議鼎沸臣欲無言以期和衷之雅但不  
恐見居相機穢愈薰流品愈下敢就居相之疏卽  
爲駁正居相有味臣言臣爲居相益友不然卽恨  
臣冒臣臣所不辭仰聒

聖聽不任悚慄待 命之至

戶科給事中姚宗文爲敬陳三大臣去位之弊以  
祈

聖鑒以質公評事竊惟人臣之進退

皇上之操柄也自上操

朝廷始廢今如副院總憲

冢宰獨國大臣爲庶寮冠冕而許弘綱孫瑋趙

煥相次徑行其于紀綱體統所虧損豈渺小哉迺

五臣之去下國同而原其所以去則並有根因各

難掩借臣請據實而畧陳其槩焉副院許弘綱之

去被言倡于今日而機動于辛亥察事矣辛亥內

察吏部尚書孫丕揚以必斷必行之心惑于在左

在右之聽凡言官之論東林論淮撫者盡皆摧折  
弘綱單唇乾肺匡救甚殷至于告天自盟用意良  
苦說者謂當此時爭之不得明白抗疏以行足白  
此志于天下而弘綱不爲也窺其意謂天下事尚  
可爲且盡力維持以需轉動之機待清明之候而  
不知相左相形終留罪案有安其位之理乎聞言  
引退堅決知機謝闕一疏誠悃可鑒故弘綱雖去  
而有諒其當時委曲求濟之心者總憲孫瑋之去  
因勘熊廷弼一事耳荆養喬潦草掛冠陸續上疏  
自同官以至監司邑令鄉紳皆在粘連之內不過

借此以寬擅去之計耳孫瑋初出憲臺卽行議勘  
固云意在振刷然以舉動輕率至來羣議復固從  
風者衆蛇足橫添論者爲瑋于此時一疏引咎自  
剖初心用最紛紜并謝言者庶幾大臣之度而瑋  
不能也稍忿之心觸之愈勵如犯楚鋒被惡聲等  
語入告

至尊者意以凶終未昭雅量而獨于酬時小牘中自  
認公錯并云迫于外議則輕開議論之端以至不  
可收拾有翼而成之者矣故瑋雖去而有惜其初  
時慷慨任事之心者冢卿趙煥之去在今日似爲



職掌爲年例而實不止此也天下有一種縱橫亂  
世之人創立門戶從中得力而從中微利者歸之  
如市且謂天下大勢在焉卽當事大臣亦相俛聽  
朝馳尺牘夕動要津傳致片言奉如功令諸凡黜  
陟之率由指揮而行此亂天下之尤者也趙煥承  
孫丕揚之後能獨秉貞心盡更故轍如今年外計  
今春考選公聽四方之論以定九流之衡凡把持  
引薦者心所厭薄耳所厭聞幾稱屹然不動者矣  
砥柱固能障狂瀾狂瀾豈能容砥柱乎風波衝激  
隨時而起卽無職掌一事亦斷斷乎不能安于均

統之地故趙煥雖去而人多以無蹊徑無門戶許  
之者此三臣之槩也總三臣觀之而今日之爲大  
臣者豈易哉惴惴稜稜庸庸多福旣非所以答

聖明稱任使若舉足一分輕重而動翮亦觸四隅隨  
局而趨可矣然不禁清議之機彈不能安也信理  
而行可矣然無如時鋒之督促不能安也握粟而  
卜何去何從臣謂世間無不了功名總之一去耳  
論品格不論升沉論千古是非不論一時消息則  
爲大臣者何難決去而審處耶年來爭擾牽纏至  
此應完刼數則院旣先總憲行矣冢宰卿又次總

憲去矣例轉視爲尋常何碍諸臣豎立復爾爭持  
亂生枝節何爲者耶卽如臣衙門掌印陞轉一事  
集衆多之見析事理之衷定往昔之案六垣既有  
議卑吏垣長復有公疏最慎最確方塵

聖覽而臺臣孫居相操論之過謂係臣同官周永春  
遍乞出卑夫永春應內請外其試力凝定非以官  
爵求人者若六垣之官不少矣會議 國家公事  
盡思策正持衡敢阿徇朋情上欺

君父今臺臣之推轉京堂有議其應外而內破壞成  
例者假令遍求同臺而臺臣遂衆口一詞會云

轉卽以議者爲妄言其何辭焉試今階門哀乞而  
人之公心自見矣嗟嗟士人立身行已各有一操  
持各有一氣節依人藉勢附會雷同之事一有齟  
齬雖假借美名終難洗脫如臺臣湯兆京今日之  
爭論職掌亦似持之有名然北京翱翔往來于河  
南道非一時矣當辛亥內察時果以御史金明時  
爲應處何不開送堂官以憑議處而必逢迎銓宰  
徑自送單西臺御史過內計不許過堂此二百年  
臺規所絕不經見之事北京力贊成之不聞片言  
爭執是以職掌奉銓部而大槩臺綱者北京爲戎

首邇以臣之同官周永春趙興邦盡揚宿垢復發  
前隱自念河南道不能久戀南都公論甚明必難  
厠足卽棘寺榮階可待豈易裁身踟躕于念計無  
復之因借爭職掌之名以去計筭雖工肺肝如見  
路人知之矣是真有依藉者後來洗脫之難如此  
持議者奈何輕相誣詆以攻擊一人而滅衆人之  
公以攻擊一大臣而爲衆小人之阱哉臣嘗嘆人  
材培養甚難摧折甚易下筆時只點綴成文便造  
下許多孽禍如昨以議改南直學院波及于江西  
按臣韓浚疑冢卿有意翫用之耳

何爲乎女子閉閣幾至白首謂其出而誨淫此必  
非情理之論况貴族衙文又爲梯榮者墮棄之地  
乎此羅織者之過而不足爲損也臣見往者歲  
餘須多林連不已如驚風落葉滿地飄零後且用  
臣省以爲併于天下心甚傷之故智猶存似有踵  
而爲空國之謀者故因論次三大臣而并及于此  
惟

皇上留神垂察獨振

乾綱家卿趙煥臣次前途蚤宜

先去仍論在位大臣宅虛秉公以端表率

勅言路諸臣平心省議以惜人材此 國家之福也  
臣無任屏息待 命之至

癸丑十月初二日

戶科給事中商周祚爲紛爭無已言路日輕乞  
勅諸臣各捐私忿共持大體以維世道事通年 朝  
端多事言路水火偶因一時意見之左若成終身  
不解之憾分門別戶之意多而同寅協恭之念寡  
臣竊痛之乃頃來則更甚矣夫荆養喬以一去拖  
人其去也不足惜也人欲善養喬之後而風波作  
焉彼中之鄉紳屬吏在朝之大臣爲之一空

主上幾有孤立之勢矣呂圖南以被駁徑去其去也  
誠足惜也人遂借圖南之去而議論滋焉始猶言  
官與言官爭馴至大臣與大臣爭牽纏不了朝堂



幾無安靜之時矣頃因例推一事又起爭端株連蔓引更費收拾臣竊以是非原有定衡目前之忿爭可逞而日久之定論難掩榮辱不在世味雖

朝廷官爵之權獨重而士大夫之清議尤嚴他衙門不具論第言臣衙門遠者不具論第言近事自朱一桂例推而人反以年例爲榮王紹徽計轉而人不以計典爲辱則以公論之華袞有甚于一時之榮進也今紹徽勇退于急流詘與唾手乎奉常一桂展采于外藩何異從容于禁闕則以一時之擯棄尤關于公論之斧鉞也惟是院科擬議協

贊之

旨業任申飭于三十六年矣不知三十六年以後該部曾否遵行說者謂孫丕揚推胡嘉棟始極秘密則作俑固似有人然嘉棟之推頗快人意卽不令該科與聞臣且爲丕揚頌銓政矣乃若朱一桂等之外轉則臣實不服且匪獨一桂等而已喻安性疏擊權閹何以三千金買叅而立逐胡應台卑開貪令何以先期一月而倏推正人短氣士論扼擊如其與聞而擬議如斯似亦無貴于與聞如其未嘗與聞而積漸由來何惟濫觴于今日科臣欲再

申飭而以與聞之權責成本衙門也懲前愆後政  
在此時毋使他日又滋口實也至于都科正閏一  
節業經六垣會議言雖人人殊而意旨畧同攻周  
永春則攻永春耳又何必堅持正閏之說抹煞六  
科公議乎嗟嗟事之是非不患不明官之內外可  
以不問者夫言路重輕關係國體而屑越之久遂  
成凌替有不宜隱忍不言者則願諸臣且鞫同室  
之戈而共持言路之體可乎夫臺省不過七品官  
耳 國家于二三大臣及各衙門事體若審其權  
若掣其肘而獨以是非之柄付之言官使上得爭

天子之是非下得規宰相之過失雖

天威咫尺不難批項下之鱗卽豺狼當道直可請尚  
方之劍豈其獨重此七品小臣亦曰

天子耳目之官重言路所以尊 朝廷耳故從來大

臣掛議則杜門而乞身小臣被叅則席藁而待罪  
朝廷之體與人臣之義自當如此惟議論曾分門  
戶角立小人欲思倚傍輒乘我言路之岐以恣其  
簧鼓之舌而或者不顧大體欲借資于局外之人  
反深利于旁輩之口于是論人者啟口招尤未辱  
人而先自辱論于人者拚此破甑人叅我我亦叅

人臣等職切言責何難任怨之身第以觸邪白簡  
不宜爲招罵之物浸淫至今而濟惡之曾郎輩垢  
之外吏亦皆含穢噴人哆口嫚罵或造爲崑崙黨  
脉之說以布網羅或牽合其同鄉師弟之迹以行  
報復隄防已潰廉耻盡捐世道江湖莫知底止蓋  
一見于涂一棒 于陳鳴華并賀煥而三矣今  
煥雖奉

肯處分未當其罪伏讀 制詞曰出位狂肆妄言嫉  
害大臣此政煥所借以爲名者也不知其賄買科  
名則武進令之入簾可換流言豈盡無因巧易號

簿則任丘令之湯六可更南疏豈其無據始進不  
端因而旁出指摘既加情窮及噬第面目可塗肺  
肝如見終不得借攻擊大臣之名以作終南之捷  
徑也伏惟

聖明留神省察嚴加申飭諸臣亦務同心濟國毋  
自開嫌隙爲小人所乘國是幸甚世道幸甚

癸丑七月初二日

禮科都給事中周永春爲臺臣支詞強辨情計甚  
窘謹再一折正以祈

聖裁事本月二十一日疏糾御史孫居相破創錢陞  
京堂及其弟麟相營調四部鼎相昨出一揭謬自  
誇詡長安人人掩口臣不必再析獨居相自以京  
堂旣破而又苦其弟之照朋相尤也情窮計窘轉  
以惡語相加據云平心剖明狂噬吠犬是何語也  
言官有體居相如此舉動不知于體何居臣旣就  
南臺補比者言之與南臺陞南京堂者何與而牽  
引爲証遁詞知其所窮非此之謂與南臺固不乏

名臣而由南補北者偶無遍陞京堂之例居相豈  
欲自隗始耶自視與朱鴻謨救直臣被廷杖者品  
望功業何如而謬自攀附亦不知耻之極矣臣所  
據者閩臺法鑑非敢說謊也說謊之律臣知之矣  
如居相以見差按臣未掌道而曰掌道乃爲說謊  
耳管察四臣無陪之故臣查掖垣人鑑猶存頗爲  
詳確居相俱不能辨蜀辨三十年推陞之例則又  
差矣張問達俸在項應祥之前先于三十年八月  
二十三日推太常少卿與應祥同于三十二年七  
月十三日拜 命彼時掌印科臣除姚文蔚楊應



剖肺肝于天下乎 朝有公評野有清議大奸大  
邪豈必俟後日而後見哉臣賦性直慙遇事不迂  
顧呂圖南久嬰吐血之病適遭封事之及浩然長  
往臣甚憐之卽云職掌攸關亦當罷官以謝若鄧  
漢家事實出其鄉人之口吳達可揭中已明言之  
是臣錮之否臣于韓浚夢想不及而湯北京誤聽  
啣浚者之言強行羅織昨北京瀕行疏中猶暗刺  
浚若有宿恨者是臣累之否北京之逃一爲要挾  
事敗一爲改

旨罪重一爲科臣陞轉正閤之規吏私私疏甚明且

愧且懼不得已抱首而竄誰其驅之乃托名職掌以蓋其醜不思金忠士外轉時孫太宰曾向北京商議北京乃謝不敢與聞乃瞞過都察院將金明時暗送吏部是都察院職掌北京賣與吏部久矣今苦苦爭之不亦晚乎年例三臣居相前疏謂爲韓敬熊廷弼周應秋報讎矣今推之于臣不及覆小人之態乎史弼與居相爭同一體安得遺之于玉立丁元薦沈正宗輩主一使奸黨紊亂朝政令朝端之上不得安靜一日大小臣工靡不欲借劔誅之臣疏畧一點綴庸何傷乎居相先以臣爲持

文推過外任外見有四人問達俸第一應祥俸第二侯慶達第三田大益第四俸序甚明也既知問達俸在應祥之前而又以應祥爲第一俸何其謬也應祥之無陪正所謂次俸管計作閭陞耳況彼時止有慶達一人堪陪將陪一俸乎陪二俸乎勢必不能一人而兩陪也六科升轉一體在陽北京除吏科不算矣居相又除禮科張問達不算何兩人之相爲矛盾也亦可異矣去冬十月周曰庠來視臣病語臣曰我該陞通叅也好臣應之曰何必論內外只無病就好言猶在耳曰庠豈忘之乎曰

庠忠厚老成臣雅敬之而王時熙以親故猥以小  
人之腹度曰庠之心致曰庠惴惴畏避形跡居相  
何苦又爲挑構使臣衙門雅道爲之少傷也臣資  
世甚薄功名甚淡謂臣視京堂爲性命果若所言  
臣當習首鼠模稜之術以適于世學差一疏忤觸  
時情斷斷不爲矣居相何以已心度臣也年例一  
事二百年來不廢名臣巨卿相望後先而居相輩  
必欲廢之未舉而先掣吏部之肘旣舉而立逐吏  
部以行展轉株連總爲一官及蒙

聖恩薄辭又復央人救免此其視功名爲性命不盡

勢臣始終與居相論理理自直理自明何曲何道  
居相不敢再出穢惡之言以汚齒臣今原以舊居  
之言一滌居相之腹也臣言亦止矣伏乞

皇上將臣疏與居相覽

勅下九卿科道評議孰是孰非以便

聖明處分若居相應否陞京堂亦乞

天語令十三道各出議單會議歸一以便遵行臣無

任悚息待 命之至

癸丑十月初二日

吏科給事中張延登爲謹因年例之爭謬陳一得  
之見乞並存以脩采擇以存舊章以省浮議事臣  
不才承乏營差日事行伍又值臺臣偶缺展布四  
體猶懼不給而煩吏議敢言他事惟是臣闕郵報  
見目前煩言莫過爭年例一事冢宰去矣三臣亦  
奉

旨局可結矣廼微臣區區管見有欲明法守省議論  
者二端非樂爲辨駁也敢不避忌諱直陳之二曰  
年例停推仍入班行之說太輕何也

祖宗建六部諸司分理庶政而又設臺省諸臣糾察

諸司諸司而有紀政臺省得而彈射之臺省而有  
溺職考功得而處治之又有年例一節約量材品  
內外互用陰寓激勵之意未阻登進之階 國朝  
先後名公巨卿由侍從出爲二十石藩臬復由二  
千石藩臬入秉銓樞者指未可縷屈諸臣朝而聞  
報夕而襍被曾未有復入班行不知

先朝曾有此令甲乎三臣卽入班行而年例可終廢  
乎年例不可廢可更取三臣以易三臣有此政體  
乎辛亥之後年例王紹徽及察處胡東漸劉國縉  
等與焉一時士論嘩然不平南臺臣至欲援大禮

大獄以故識者壯其氣而謂激無非二百餘年舊  
典不可因一二人紛更深謀遠慮欲共 朝廷守  
此三尺耳例推似與三臣絲毫無損停推且與三  
臣萬分不便不記乙巳之覆轍乎卽事體不同亦  
足明不可復入班行之一驗矣夫人臣補過拾遺  
雖不可無汲黯願處禁闥之思達人避災就涼亦  
何必蹈荀勗奪我鳳池之誚臣謂復入班行之說  
太輕欲以存舊章也一日年例要單發出會勘之  
端難開何也年例原是推擢畢竟與察典不同考  
功法主黜幽故當有單堂堂二司出而臨長百城



奈何可以卑陞乎已酉年秉銓者因給事中胡嘉棟之辨于是乎有八百金買科之卑後爭察又封七人卑徑進

御覽臣時以天卿職掌人物洗汰流品但求秉公何必瀆上舊宰此舉終屬誤聽今新推三臣有秉與否臣不能知倘趙煥不忍忿忿果列款件臣恐愛三臣者必辨其爲誣而惡三臣者將証其爲有萬一再有浮薄附和之徒如沈正宗輩者復從旁捏造飛章以佐之添出話柄交戟之下臣不知如何饒舌也彼三臣者能默然含耻赴新任哉雖曰愛

之其實害之亦不思耳趙煥力疏于三臣始終無  
短詞第云才力氣魄宜于藩臬臣故惜之老成凝  
定奉身而退得大臣之體矣不然此風一倡以後  
給臣欲例處一人必先造單以脩會議則山公啟  
事徒開羅織之門趙晉補牘翻成聚訟之府臣謂  
出單會勘之端難開欲以省浮議也總之此一爭  
也爲職掌可爲年例未可爲年例而牽合多人尤  
未可人臣策名清時共事

聖主若株連蔓引誰無系梓誰無堂屬誰能超然免  
于評論乎臣嘗謂天下之事氣忌作偏向者荆養

喬能廷弼兩御史之事總寬錯主勘議以致輿論  
不服南北交章連累多臣接踵棄官 朝廷不得  
片時安靜其禍實胚胎于此嗚呼誰生厲階至今  
爲梗柰何不以此爲鑒猶欲必不可行之說取一  
時壞舊章而滋浮議也區區一時實懷隱憂伏祈  
陛下省覽臣章 勅下諛司與諸臣之言并存以脩  
絲毫至本原之地尤在

皇上聖明然乾斷漸剖是非之路明操進退之權  
勿令小人日有掛冠之舉諛臣疊受驅逐之名則  
毀譽無不各得其所法守可明謏論可息矣臣疏

草甫完又見平事賀煥揭辨田彭二御史謂太宰  
南轅且北鬼窟自在夫太宰浩然長往義無反顧  
鴻冥不慕脫窟安用彼方南轅是圖何日北轉青  
天白日之下造此妖言又謂二御史嚮慕太宰更  
是昧心語安足以藉人口也么麼本不足掛職白  
簡之末第彼儼然

欽降官自命簪鼓時事惑世誣民此又邪正所關故  
不吝一糾正如此并惟

聖明採擇施行

癸丑十月初四日

禮科給事中元詩教爲直發黨人之禍併陳空  
國之由懇乞

聖明察微燭隱鑒往防來以破邪謀以維恭運事本  
年五月間臣伏讀

聖諭內云已往結黨亂政顛倒是非始且不究而末  
復申戒之曰傳示科道各官務要秉公奉職勿徇  
已私各立門戶忿爭仍前資亂朝政誣害良善  
天威有赫日月照臨旣知前此之黨已成又慮後來  
之黨難解叮嚀訓告不啻再三蓋我

皇上之意深矣凡爲臣子皆當祇承臣是以恭上直

破疑圖一疏請勅大小臣工同心省改以絕黨禍區區愚昧誠憂之也乃不數月而副院許弘綱總憲孫瑋冢宰趙煥相繼徑行又層見叠出于孫丕揚既去之後國既空矣夫統均之任所以進退百官風憲之司所以紀綱四海于衙門爲要地于朝廷爲重臣而一旦決裂遂至于此嚮委而不能馭組解而不可收孤立在

一人瓦解在天下此之爲禍豈小小哉臣讀詩至十月之章曰不遑遺一老俾守我王周衰羣臣離散其不去者作詩以責去者有曰正大夫離居莫知

我勦三事大夫莫肯夙夜邦居諸侯莫肯朝夕蓋  
季世光景大率如是今日不幸實類之矣頃見輔  
臣連章入告嘆紀綱之日壞嗟人情之難挽得無  
亦有慨于其中耶臣請爲

皇上週流窮源從頭徹底窮極禍本明白一直言之  
蓋今日之爭起于門戶門戶之禍始于東林東林  
之名倡于顧憲成而其後于玉立附焉自玉立附  
憲成以賣重而羣小又附玉立以行私天下嘖嘖  
始疑東林而不信之矣然顧憲成自賢卽憲成之  
外亦自多賢者固不得以玉立故累之玉立自好

卽玉立之外亦自有好人尤不得以憲成故原之  
賢奸各還其人名實不爽其辨以此持論雖聖人  
復起不能易也故臣嘗爲之說曰方東林之初起  
也賢如顧憲成者主盟使天下望之如登壘焉卽  
有陽藉之以立脚者猶僅爲藏垢納污之藪及東  
林之漸褻也奸如于玉立者結黨使天下趨之如  
赴壑焉遂有硬傍之以出頭者則多是貪名驚利  
之徒夫以貪名驚利之徒投于藏垢納污之藪東  
林之名是東林之實非矣于是大開奔競之門廣  
布招搖之令橫行籠罩之術無識者誤墮其阱中



不肖者願歸其幕下凡才智自雄之士與跋扈無賴之人及任子貲郎罷官廢吏富商大賈之類如病如狂走集供奉者不知其數而又能依附名流交納要津貢緣權貴布散黨與羽翼置之言雖爪牙列在諸曹機關通于

大內互相引重遞作聲援其高自標榜也不曰二三正人則曰二三君子其巧爲傾陷也不曰某某嗾使則曰某某報復至于每論一人每爭一事非自小以及大則由顯以及微非前伏而後攻則此倡而彼和運籌決策者有人爭功效力者有人若隱

若見且起且復聲響相應者有人大勢旣成無乃  
不至內閣任其指揮冢宰聽其愚弄總憲由其提  
攝舉 朝廷三大權而一握于東林之手兩三年  
來京察則處王紹徽矣年例則處宋一桂矣行勘  
則處熊廷弼矣廷弼蓋嘗口詆東林而紹徽一桂  
則皆與東林爲難者也然三人雖處而輿論大譁  
人心共憤暗刺明爭不一而足而處三臣者遂亦  
不得安其位行其志而終于一去理數固然其誰  
逐之蓋孫丕揚以八節砥礪之元老爲  
朝倚毗之耆碩進賢退不肖素所自許者亦其

耄且重聽何也小羣乃逆取而陰用之至孫緯則  
順取而陽用之矣若許弘綱雖不爲之用而又委  
蛇于用不用之間卒以不免故副院之禍種于調  
停總憲之過成于剛愎舊家宰之鬱鬱不快悻悻  
以行亦由魏屈于公論而問誰流禍則皆東林之  
以也同已者習既不能異已者逐而後已玉石之  
焚儘烈玄黃之戰彌酣相構相攻至今滋甚竟隳  
出而妖氛熾嚴霜零而殺氣飛棟梁折而大厦傾  
燄繳張而冥鴻遠今日第以空國還之

皇上

皇上僅以隻身子在宮中白晝無光太阿可倒其究  
將使在 朝在野但知有東林而不知有

皇上但知爲東林之黨人而不知爲

皇上之臣子諱然羣小惟其意之所之而無所不快  
使願憲成而在寧願見之哉吁可痛也已臣聞輔  
臣常詢一人曰王紹徽劉國禔外議何如其人答  
曰公論所惜輔臣曰此二人者我亦知他無甚不  
是但今日說東林明日說東林了又聞近畢竟處  
日輔臣復語一吏部司官曰識時務者是謂俊傑  
今天下大勢已歸東林雖欲不從不可得矣此兩

言者度之以理定爲羣小賣弄之詞耳假令輔臣  
誠有之是懸東林以招天下又驅天下以入東林  
也必不其然況乾坤之正氣常存人心之直道難  
昧舉世之大豈無一魯仲連其人蹈東海而死者  
耶卽如今耆年例未舉行時長安之口紛紛藉藉  
皆云有痛哭乞憐者遂有移書求解者有移書求  
解者遂有乘機發難者往復流傳之狀又備見于  
臺臣近日揭中幾復成王紹徽朱一桂故事似此  
情景展轉牽纏亦太苦矣蓋羣小之于輔臣也若  
微制其精神命脉而有一種不能不相爲之情則

輔臣苦輔臣之于羣小也每潛形于顏色聲音而  
有一段不得不相從之勢則羣小苦羣小之苦輔  
臣如舟行灘上進固不能退亦不得然緩急可持  
以無恐者猶是輔臣也輔臣之苦羣小也如骨在  
喉中納固不能吐亦不得然利害終覺其相關者  
猶是羣小也羣小之苦苦在恨邪謀之未就到底  
不無怨望之私怨望轉深而邪謀遂轉急則羣小  
克終之時也輔臣之苦苦在畏公議之難違從來  
只有調停之術調停漸久而公議亦漸明則輔臣  
剝復之候也說者又謂輔臣當 固久時有成心

而羣小復從中構煽或危言以動之或隱語以疑之或多方雜出以誤之括其大槩不過曰是將不利于相公而已輔臣不察遂往往爲其所中嗟嗟此何時也國家當蠹壞之餘中外值金甌之日忠臣義士憂憤感激義形于色情見乎詞誠重念秉樞當軸閣人才之消長係宗社之安危是在輔臣輒不難進一二藥石之言稍加責備亟望轉移以拯濟時艱以弼成

聖治而已無他腸也如近日釋繫枚卜次第舉行而禍王之國一重大事所請皆報其誰非輔臣之

爲者方朝夕引領庶幾卒業爲相道光又何不利  
之有總之羣小爲此一局造于輔臣未入相之前  
成于輔臣既入相之後而極重不返之勢在今日  
則與輔臣相始終在後日則與國運相始終誠  
有如漢唐宋之季所可竊嘆者目今冢卿總憲並  
缺不知其意更將何屬苟非其人朝登朝寧夕  
列彈章矣豈不危哉此所謂黨人之禍空  
國之由也伏乞

皇上仍申

旨



嚴諭臣工勿庇門戶而破壞國家勿怙私交而傷殘善類勿昧本心而敢欺當時後世勿犯清議而  
不畏

天地鬼神邪正是非之衡聽之公論勿爲一口所持  
進退予奪之柄還之朝廷勿爲小人所竊但使  
皇上享平明之治而令社稷免朋黨之殃臣心盡  
矣臣言已矣誅極竄逐所不敢辭臣無任悚惕待  
命之至

癸丑十月初五日

直隸巡按孫居相爲無恥科臣造言反噬謹據實  
叅駁以聽

聖明裁斷事臣惟廉恥者士人之美節正直者立朝  
之芳規若旣無廉恥又不正直則鄙夫妾婦之流  
不恥干人世者也乃兵科給事中吳亮嗣兩者皆  
譏臣謹先折其昧心造言之非而後及其寡廉鮮  
恥之行可乎亮嗣謂臣在南臺藉王元翰爲內援  
結蔣貴爲死黨以李三才爲聖人夫臣壬寅春授  
南臺王元翰乙巳始改按垣彼時臣已服官四載  
亦已站定腳根況進用不同時居處不同方南北

不同事臣何所藉于新進元翰而顧以之爲援耶  
蔣貴戊申八月考選南臺不知何月到任臣時憂  
歸已一年矣及臣壬子巡漕蔣貴被辛亥察處去  
任亦一年矣臣與蔣貴原非同時何從結爲死黨  
李三才爲淮撫時臣處鳳陽倉雖則同事然臣叅  
泰州知州李存信不謀于三才徐兆魁叅三才疏  
曾引臣以爲証今謂李三才爲聖人果向誰言之  
耶此其昧心造言者一又謂臣居艱在里長史繼  
偕之執法則縱于玉立爲外援懼朱一桂之正直  
則藉孫丕揚爲內重夫繼偕一桂皆臣同年交誼

不薄彼能執法正直臣方席寵分榮况臣旣居艱  
在里何畏何懼又何求而必藉數千里不識面之  
人爲外援爲內重耶其昧心造言者二又謂臣投  
身總憲東南一役何常有幾語及于窮理盡性之  
事但孜孜以徂詐爲仁義以邪謀爲濟世以交通  
爲力量欲斥熊廷弼則廷弼華任欲斥許弘綱則  
弘綱遠避欲逐趙煥則趙煥欲仰藥以死夫總憲  
爲諸御史綱領臣旅進旅退誠不能自外東南一  
役臣手口拮据猶恐不給誠無暇談窮理盡性之  
事至勘熊廷弼事則總憲自主職任則然雖同時

掌道有余懋衡湯北京史弼皆俸在臣前皆不與  
聞臣何能欲勘則勘耶副院許弘綱知臣起臣臣  
不勝知己之感方愧無能爲報乃謂臣欲斥之此  
病狂喪心語從何處來耶趙煥背

旨侵職擅權自恣臣露章糾彈煥聞言引退在臣爲  
言官常職在煥爲大臣定體人雖甚愛官何至以  
身命殉之其云仰藥以死乃奸宰激怒

皇上之詞非實事也亮嗣引之欲何爲乎其昧心造  
言者三夫人臣而謾說謊法所必誅今亮昧心  
造言甘犯而設說謊之條而不顧者則畏臣之世

其隱耳嘗聞人惟無是事則雖有是言而若罔聞  
知惟其實有是事而人因有是言則聞而愧愧而  
怒竄凌詬誶不勝不休臣今不幸實觸其怒矣蓋  
亮嗣首攻總憲結歡冢宰正畏人知而臣一語發  
之此所以一疏再疏必甘心于臣而後已也况冢  
宰去則失所憑依于是移其乞憐取寵之態以逢  
迎將來當路之人近聞糾合朋儕欲擁一人爲少  
宰臣尚不信今果情見乎詞矣且其攻臣也猶曰  
有藉齊一語至其所以攻臣弟之故臣兩言而兩  
不答豈其以祖田三百不足贖母而情事隱微有

不欲與人知者耶不意六垣清華之地有此千層  
甲顏之人真足辱諫垣而羞 朝廷也至于與亮  
嗣同科給事中趙興邦者亦侈口談官品夫官品  
自有真非趙興邦一言所能抹殺臣不必辨第就  
興邦歷來章疏評之其生平行徑已可樂見方太  
宰趙煥輕處卜履吉也出疏糾正豈不甚壯旣而  
心折于太宰則托周永春以交歡焉及見湯兆京  
與太宰爭執掌則又力擊兆京與太宰洩忿而  
倨而後恭也至其謾太宰無踐徑且謂倘于  
之間進退之際事事如此臣且服其明作今

三臣可謂事事如此矣與邦宜服其明作矣既無  
當于臣必有當于與邦與邦應自喜願人各有見  
臣卽出一言爭之蓋爲職掌也非爲三臣也立  
賜三臣仍入班行

皇上試查臣累疏何常有是言與邦乃效亮嗣捏造  
以誣臣耶于此知捐廉恥喪聲名正與邦自道臣  
非其人也夫 朝廷設立臺諫將以議論 國家  
大政臣爲衙門爭職掌此是公事偶觸克烱四面  
皆兵豈欲禁臣使勿言乎抑以

內旨罰俸猶爲未愜必借外庭狂躁逐之而後快于



心乎邪類甚衆直道難容臣不去大勢不合必又有起而攻臣者伏乞

皇上將臣罷斥以爲人臣不量力爭職掌之戒至于吳亮嗣趙興邦造言誣臣結黨亂政併乞亟賜裁處以寢邪謀臣不勝惶恐流汗屏息待命之至

癸丑十一月十五日

八二四

兵科給事中吳亮嗣爲臺臣器悍妄言無人臣禮  
謹平心駁正以請

聖裁事昨者御史孫居相妄言藉夢之譖壞入生平  
臣具疏駁之居相于臣疏中語無能以理置辨而  
但如醉夫罵坐至于吠犬之惡聲相加夫臣雖不  
肖承乏侍從于廟廊有齒馬之誼于言路有  
同列之誼何其無禮至此詩人有相鼠之刺居相  
未之聞耶至臣後疏叅駁居相一語不承臣今  
居相質之

皇上夫王元翰將貴李三才于玉立等非居相心腹

之死黨耶臣尚有不忍言者在也至史繼偕許弘  
綱朱桂等不知居相愛之也抑讎之耶苟可相  
屠肯惜反兵之闕耶居相爲國言臣何忍面欺  
皇上也居相前有免推年例之說臣不忍辨年例之  
有無而但述微臣不樂仕官之心以明士人廉恥  
之節何宜不可爲耳以見管京堂爭外轉者無復  
言官之體耳居相憾臣臣摘其弟鼎相劣狀乃有  
情事隱微不欲人知之疑夫爲國之言宜自有  
不可與天知者乎有不可與人知者乎則其人品  
可知矣居相前既有有求弗得澤有恨于臣弟等

語夫臣職司糾駁鼎相職司銓序鼎相與臣素寒  
交遊臣何求于鼎相耶若有隱微之情事不可使  
人知之蹊徑與夫暮夜之語言居間之竿牘則鼎  
相何愛于臣而不明白一語耶臣與鼎相皆在有  
此則可與九卿百僚共質之何爲作此含糊影嚮  
市井穿窬之語也居相又有擁一少宰之說具人  
何人見居相何官與臣交遊遠近若何臣在何衙  
門爲之推轂何不明白直陳于

皇上可用不可用與天下共之豈不正大光明傑然  
一御史哉奈何設此無底之阱以待天下之士也

居相語語設機言言布網極其所至必有定國  
之禍臣雖劣下豈敢忘腐邪之義奪埋輪之志不  
入告于

皇上乎伏乞

皇上將臣前後疏章立賜發勘則

聖朝有日月之明邪臣無欺蔽之路矣臣無任悚息  
待命之至

癸丑十月初五日

吏科給事中張延登爲

內降之旨宜停遡流窮源以補部臣之疏以佐平明  
之治事臣聞

人主有權莫重于

詔旨人臣有大罪莫大于交結况假交結以竊

詔旨此斯高之奸不可一日不容于堯舜之世者

也臣閱邸報見兵部職方司主事劉定國一本大

權當慎正氣當伸乞

聖明停

內降之旨杜旁落之漸以辨賢奸以防危亂事內稱

陛下二十年以來

聖度益宏乃頃者

內降切責言官湯兆京等而罰謫之絕無忽有之事

實趙煥交納中涓取

旨如寄解衣危論臣甚壯之然

內旨之降實非由今日履霜堅冰至所由來者漸矣

臣請爲遡流窮源之論不必十年卽以萬曆三

十九年京察近事言之御史金明時之疏論

王圖也要挾犯諱旬日之內五被

嚴旨時說者皆不由票擬于是主事秦聚奎有拾死

報國之疏臣猶記其內一段云凡疏論重大事情取

旨甚難乃叅論金明時及明時之自疏一切朝上而  
夕下此其絲線索不啻深入驪龍之領矣上書犯  
諱明時允矣不恭然

聖度天空海濶諒必以偏諱見宥者獨記分宜禍陷  
忠良之故智胡再見于今日也此端庸可開乎疏  
詞大畧如此于是聚奎再被嚴譴時說者謂亦  
不由票擬以致人情沸騰章滿公車臣不暇悉迄  
今在朝臣工想人多能道之唯是孫丕揚



三朝元老當時人猶不忍輕詆但謂王圖及其幕客  
爲之熒惑舊宰耳今主政則直謂趙煥自結中涓  
更無牽纏信斯言也不知

陛下之業神已久假而燭照已久煬矣由此不禁將  
虫可成鳥鹿可爲馬塵蔽之害洵非細故也臣愚  
謂自

陛下靜攝以來

九阡萬里 官府金幣要非章疏十無一報今人反  
以 中爲當以得

旨爲怪譏隙交作惡候不分實由于此伏願

陛下赫然 雷奮 勅諭輔臣查前後

明旨果何人所擬如中書執筆

陛下不知卽指出的名應出外廷肆諸市朝以爲左  
右亂政者之戒 勅下部院窮治其事如有交通  
實跡其王國孫丕揚趙煥皆得追還分別輕重議  
處以爲大臣交納之戒倘原擬自內閣斷自

聖裁別無情弊亦望明白聲說以解疑端勿使人揣  
摩于不可知之地轉相關構庶幾見雪消雖有魑  
魅魍魎安所遁形哉誠不識忌諱實補部臣既之  
不及如謂言出禍隨鼎鑊且甘臣願與部臣共當

之

癸丑十月初

東閣大學士葉向高爲科部爭論

內旨據實剖明事項兵部主事劉定國疏論吏部尚書之留出于

內旨吏科給事中張延登言

內旨之降起于孫丕揚之叅金明時欲

勅諭輔臣查復

明旨係何人所擬臣見近來議論頗與紛紜不欲置辨今延登之言及此臣若不據實有陳事終不白且今日之爭構不休大率由于辛亥之京察而辛亥之京察其最著人口者在于金明時之一叅與

犯諱之重處臣請得畧陳其槩金明時之考察議處有定說矣臨期考功欲寬之蓋以其爭論王圖之故湯北京授一單言明時意在要挾必不當免蓋卽指論王圖之疏而言也孫丕揚見之遂謂明時別有要挾亂察事意欲叅處當時凡與察事者皆以爲不可許弘綱蕭雲舉曹于汴皆極力勸阻又皆移書托臣初謂丕揚誤解要挾之言失北京之本意臣三書勸丕揚勿叅而丕揚終不聽也

謁上而明時奏辨兩疏之中直犯

御諱中官將此本進至臣寓云

皇上震怒必欲重處臣謂上既犯諱自有正律此一  
時失檢之過不必深罪卽欲罪之當下部院擬何  
不敢徑票其所爲明時救解者不遺餘力許弘綱  
又再三託臣謂必擬以閑住始可免罪故臣如其  
言擬上此當日明時被處之顛末實是如此未嘗  
從中出也而聚奎乃引分宜摘陷之事以疑臣歸  
過乎至于大臣被留間用

中旨前此已有不獨趙煥卽煥之疏有經臣擬有出  
聖裁者臣以爲此皆

皇上眷禮大臣之盛心所當將順何必執爭惟是事

闕政體徑由六部九卿而後行者則無問

宮府無論大小當盡發臣等擬議不當則

皇上裁示容臣等再擬如仍不當則言官糾駁如此則光明正大人無可疑揆之政體似當如此又不

可以留大臣而例論也總之年來人情因

皇上深居日久上下不接遂以爲

皇上毫無成心百凡舉動皆有人能高下其手用一人則曰此何爲而用行一事則曰此何爲而行卽臣等在外與

穆清遠隔尚且見疑而況于左右近習之人乎此所

以每有

內降輒揣摩多端而不知

皇上下聖至神萬幾雖預無一事不出日

聖心如臣等稟擬亦多

皇上改正何人敢干竊弄延登所云中璫播弄

皇上不知者臣萬萬保其必無此諸臣過計而臣不  
得不爲剖明者也後望

聖明將臣此疏 發下部院仍

賜明示以釋羣疑亦臣前解分之一端耳

癸丑十月初九日



河南道御史田一甲爲議論已明煩鬱宜息懇乞  
聖明勅諭和衷以全國體事臣惟邇來之議論煩  
多紛爭聒聽亦已極矣始之爭爲行動學臣熊廷  
弼而爭也繼之爭爲改差學臣呂圖南而爭也此  
事有三條機惟一朕驅逐株連于是許弘綱去矣  
孫燁去矣趙煥去矣年例之三臣今亦去矣賀煊  
之徒今亦去矣邪正雖歸于共掃議論亦幸而漸  
清于斯時也養剝中之復會異中之同去私忿以  
急公忠息煩言而清國是豈非歸正之善策比肩  
之盛事哉不此之務而猶嘵嘵不已則以門戶之

說剖分未清以故沉溺者仍錮蔽不及而高明者  
亦猶豫未決究竟必至空善類而誤 國家流禍  
有不忍言者臣竊爲此懼今何敢避忌不一歷數  
之也夫門戶之說何起哉自昔吳縣太倉四明山  
陰晉江諸奸輔鉢傳燈續怙寵弄權妬賢嫉能欺  
君誤 國彼時一二孤憤之士出而批鱗被逐于是  
聚徒講學以明性命而演道脉此誰不仰之而誰  
復啓之無奈有奸雄自命之徒初亦盜建言之名  
繼卽竄道學之黨彼真道學者亦墮入其術中而  
不之覺于是以道學之名號召天下士凡生長其

地者宦遊其地者故舊之往來相知者或實意創  
高或葛藤相絆卽以爲真周程張朱之復生而靡  
然從之甚有爲其所迫而不得不入者于是門戶  
之名立矣假道學之手段到此益展矣且其名利  
薰心氣焰灼人遂復通制 朝紳迫挾臺輔夷跽  
惟其所造雲泥惟其所置 朝中復有一二奸雄  
彼此借資氣脉相通呼吸相應以箝天下之口而  
操仕進之權于是門戶之威熾矣以故李三才王  
元翰等一入其黨而貪可爲廉黃克纘史繼偕等  
不入其黨而賢可爲不肖其在南之宸爛者則于

玉立吳正志丁元薦也在比之最嬖者則王國胡  
忻史記事也金明時之叅王國也原不宜以人廢  
言而要挾之禍立至矣卽王紹徽劉國縉之持正  
也亦併罹其害而京察之處莫救矣湯賓尹一輕  
薄狂生無行無義且業已察處斷根無權無勇只  
以其爲王紹徽之座主而今動則曰宣黨且以比  
之崑黨而風力持正之熊廷弼謂其爲媚賓尹而  
行勘以錮其終身夫以臺長而勘一御史于理于  
法亦何所碍獨計勘之者其跡則爲責死生員也  
而其意則不爲一生員也故于殺人媚人四字三

致意焉其所重可知矣臺長老成持重而念在執  
法奸人遂乘此中之而漸成騎虎豈延溺嫉惡過  
嚴動斥假道學甚至訓諸生以無學沈賀則行勘  
之所由來也故臣謂孫瑋之去亦門戶之禍貽之  
也呂圖南端凝簡重于督學豈其不堪第其改推  
之意則欲借簡靜者以形風力者實非謂圖南之  
真可爲學臣耳周永春一疏之駁臣亦私謂其過  
直率而少包涵然圖南自是圖南永春自是永春  
在圖南之去益以見孤高在永春之言總之循職  
掌而一言忿爭互起爲難不知于圖南何益耶甚

且累及于家食多年始一銓補之戴景也吁亦可  
憐矣至于年例三臣之推執職掌以爭臣以爲言  
言皆是也況

明旨院科協贊煌煌乎誰敢背違第年例之轉例在  
八月則臺長已封印出城矣延至九月無容再遲  
則臺長又浩然長往矣衆無總憲商畫于誰不然  
使都察院中儼然有臺長而吏部竟不一通知卽  
徑然行年例也臣亦臺員臣亦職掌肯畏首畏尾  
不一奮臂而爭乎蓋趙太宰之心亦苦而勢亦迫  
也臣之所量也卽近日同官黃士彥職掌宜明一

疏蓋亦未嘗不以職掌爲言而特知趙太宰之無  
他耳堅爭固非出位過求傍出分割亦是公忠爲  
國何必自持一是互爲反唇耶總之年例原不  
足以定人品而年例之公私顧看秉銓秉憲者之  
何如其人而賢也公也則年例之出于銓可出于  
憲亦可其人而不肖也私也則獨出于銓爲不當  
同出于憲亦不當何必區區計及于臺長之與聞  
否耶然爲職掌計則  
明旨自宜永遠遵惟所以後臺有人科有人銓部不得  
執此例而獨意創行以悖協贊之

嚴旨則體統明而爭競杜耳今之爭職掌者或偶株連乎同類而守門戶者遂借題目以搖唇然反因事此而樂正舉鳴發揮無遁非天之欲平治天下耶且趙太宰拂衣而去不俟終日昔猶三宿以待明綸今已長往而抵廬舍矣猶謂銓宰有反北之嫌而言官有阿嬖之念耶門戶之從來旣如彼大公之議論又如此且時一二興波作祟之徒旣已縮頭而羣奔卽門戶中所碍眼惡心之人亦已掛冠而歸老念已洩而不留時亦極而思返興盡無餘回頭是路臣願諸臣之悉捐往念而共歸大同也



此有一言彼卽有一言之相復此添一事彼亦增一事之牽纏疏復一疏人復一人言罵推殘其何時已耶以臺省而聚訟以朝士而市喧載之史書播之萬世亦誰任其咎也伏乞

皇上嚴飭大小臣工從今各恭爾位協于和衷有以私忿相軋相傾者必罰無赦庶國是以明而紛爭頓息矣

癸丑十月十八日

戶科給事中姚宗文爲乞明勘私書以清議論事  
臣于二月中跪叅吏部考功司主事涂一榛以其  
官評人品久騰物議耳一榛辨說支吾謂考察閑  
任之湯賓尹遺書長安不言書致何人瞽言何事  
橫以黨附相汙且云書在御史孫居相所職嘆連  
年書禍之多至明起戈矛暗布羅網正欲借此明  
白一番以清妖孽具疏請出書公勘時居相在列  
寂然不言有臣臣謂此一榛辨說耳故久置之頃  
臣同官周永春吳亮嗣疏論居相及丙午南場弊  
弊居相疏辨去冬叅鄒之麟科場閭節之麟亦以

關節誣臣親筆批于湯賓尹私書長安播傳臣數  
擬抄錄原書原批封進

御覽但因書語戲謔懼褻

至尊而止臣見居相之貶始知賓尹之書果在居相  
所矣而居相往者不言豈賓尹書詞止言南塲之  
事而于臣所叅一榛諸事本不相涉耶豈書及南  
塲事居相欲留爲今日之誣而不及爲一榛地耶  
計辛亥內計之前有欲構害正人且自爲解脫之  
計者訛傳御史鄭斷芳一書絕無形影巧弄機關  
幾成空國之禍乃其捏造秘密無從蹤跡迄今有

餘恨焉今私書謀有收藏豈可令其半隱半露復  
蹈前轍此書一日不發則今日言一事曰書爲之  
崇明日論一人曰書爲之崇嗟此尺一之緘誰云  
紙上之風波翻作眼前之保障矣藏之什襲之中  
易駕空虛之論用造謗之說以自衛猶可言也如  
一榛用黨附之召以噬人其流禍不可言也臣欲  
結前者一段公案急求明發此書居相云書語戲  
謔懼張

主尊此意殊爲敬慎第不當瀆

父而與廷相公見之似無不可乞

勅下居相出

之麟親批湯賓尹書再取長安所播傳別  
對同集九卿科道據其所致何人所言何  
倘是非從公勘議回奏聽

嚴加處分以爲馳書干政之戒庶心迹可明議  
論可清夫居相之辨論四出惟力是視而真爲世  
道人心之慮也亦必計出于此矣惟

皇上垂察施行臣無任屏息之至

癸丑十月廿一

行人司行人劉宗周爲修正學以淑人心以培  
國家元氣事臣山臣義不得論列天下事顧世道  
人心之責不擇人而付杞憂婆恤每用耿耿因以  
默覩今天下治亂之勢輒敢效其狂瞽出位之誅  
又何道焉臣駿奔之暇讀諸

國史至正統之世上下恬熙號稱太平識者以爲注  
筵徒侈文具國家未必無意外之事卒以逮于土  
木君子建之撥厥所由則靖難之後一藉奸黨而  
賢人君子誅夷略盡三楊徒以容悅養成王振之  
亂

英駕北行竟未有皎然外節如所爲南朝李侍郎者  
一人則人材之係國家元氣有如此者今天下逮  
中葉矣自晉陵黨伐之風行而人心日下士習日  
險公車之章輒攻東林云東林者先臣顧憲成倡  
道處也從之游者多不乏氣節耿介之士而從事  
學問如高攀龍劉永澄其最賢者也憲成之學不  
苟自恕扶危闡微屏玄黹煩純如也亦喜別白君  
子小人而歸于無我身任名教之重挽天下于波  
靡一時士大夫景從如雲以故名東林最著惟其  
清議大明流洒之士苦于東濕遂乘淮撫之救謗

議紛起卒罹讒因以死識者恨之憲成死而東林  
風采益微倡議者因指東林爲門戶合朝野而錮  
之以爲黨人天下無論識不識無不攻東林矣夫  
東林果何罪哉自憲成清議格物繼其說者摘及  
崑宣之黨指顧天垓湯賓尹也二氏則坐黨者深  
怨東林屬御史熊廷弼議勘而積怨一發救廷弼  
者張皇四起逐總憲持私人總結局于林下諸臣  
而得志焉噫崑宣之報復固其所也而以東林坐  
天下使總憲之法不得伸彰殫臺省之權不得爭  
可否不可訓也說者曰東林未嘗無小人固矣乃



今之攻東林者不于其流品而于其意見也如意  
見而已則高攀龍姜士昌劉元珍諸臣固已望而  
知其不同量倘一日 賜環而人爭按劍矣獨于  
玉立丁元薦不免于畧迹而原心二人者亦皆較  
然不欺其志有國士之風焉何相迫也然則東林  
無罪與標榜唇齒已蹈漢人之失矣而復坐累于  
淮撫欲盡箝天下黜貪之口以定天下之罪案其  
誰甘之由是四面樹敵一體之中頓成分裂陵夷  
至于今日報復不已使 廟堂氣象一片慘澹誰  
職其咎嗟乎此東林之罪也然則攻者非與攻流

品可也角意見不可也議東林可也黨毘宣不可也且臣聞之世之治也君子衷于和及其亂也小人尚同今天下非不和之患而黨同之患尚同之念牢不可破勢不能強君子以苟同則不得不黨小人以異同異同立而好惡分觸境生情無非爭鬪勢必至盡網君子而後已此今日之所爲紛紛也然則和衷之道其不可講乎噫難言之矣臣請言憲成之學憲成學朱子者也其言朱子也曰世尚竒朱子以平平則一毫播弄不得世尚圓朱子以方方則一毫假借不得今之世變其爲假借乎

其爲播弄乎如簧如鼓如鬼如蜮者非乎或以官爵或以朋遊或以名譽或以意氣者非乎無有假借方之至也無有播弄平之至也合方與平和之至也雖然有諸已而後求諸人無諸已而後非諸人其憲成自及之學乎憲成上書救淮撫也言者不已而憲成終不辨至論私書發抄則曰既有書焉有發抄之理可爲能自反矣今之學東林者盍反毘宣之戈而卒業于此以無遺憲成蓋可乎善乎憲成之言曰行一不義殺一不辜而得天下不爲方利心消盡依乎中庸遯世不見知而不悔方

名心消盡此亦方之說也又曰新法之行吾黨激  
成如是而後可以盡已之性君子當于有過中求  
無過不當于無過中求有過如是而後可以盡人  
之性此亦平之說也臣切爲在朝在野諸臣三致  
意焉審如是也庶幾與天下相忘于太和之域矣  
何以東林爲哉又何以攻東林爲哉抑臣于是而  
尤感于學術之難言也昔孔子沒門弟子各以其  
道相授受源遠而流益分子夏之後有子方子方  
之後有莊周流爲輕世似物蓋學術易弊如餘姚  
先臣王守仁之學良知也無善無惡其弊也必爲

佛老頑鈍而無方顧憲成之學朱子善善惡惡其  
弊也必爲申韓慘刻而不情佛老之言得憲成爲  
救申韓之習自今始矣夫學猶調琴瑟焉緩則進  
之急則反之而已虞書曰中洪範曰極此之謂也  
起弊維新明道淑世士大夫之責也建中和之極  
執大象以爲天下先其

聖天子乎臣不肖無所知識痛念時事至此日復一  
日必有空國之禍姑稍稍折衷是非以平兩家之  
情且惓惓于學術爲救世張本于以解紛息爭釀  
國家無疆之福臣愚不勝至願惟

聖明少垂鑒焉

癸丑十月廿九日

THE EXETER MUSEUM

1.1

戶科給事中官應震爲

聖治方隆羣羣轉輓敬陳救時八要以息煩言以維  
泰運事臣觀數月內累臣拜解網之仁揆席叶旁  
求之夢卜虜受封于北建酋質于東朝野歡騰  
華夷慶洽於都哉千載一時也從此開講青宮  
剪桐朱邸瑞王燕喜諸王鳳占應且次第舉  
行已惟是邇來大僚先後引去皆由言路相激而  
然乃言者之氣彌盛而反唇未已尚口幾窮則臣  
嘗妄求其故而不得也說者紛紛謂自東林雖失  
主盟而假道學之遺風未殄淮撫雖稱落籍而真



勢利之餘酸猶然勢利藉道學爲名高道學藉勢利爲氣魄內有于玉立者從中招攬到處逢迎家食而把持朝紳林居而遙制國是本吳下也而養交四方之黨本刑曹也而恣取京卿之推借舟借馬借夫遨遊跡遍于天下考選考察考館居間牘潤于長安以致慕羶者流羣而入窺其內標題徒假名理未聞肆逞機鋒通行毒噬既五合而六聚復東擊以西挑用一人焉非其類不快而許外別有品題議一事焉非其意不快而公論中另出意見含沙任口下石憑心欺弄風濤

聚曉散爲邪近日正人以邪人爲邪邪人亦以正人爲邪卽如托東林者皆借耳惟一辨別焉而借者不得借矣夫東林豈盡邪哉顧憲成之賢特其身死不爲世用若矯修如錢一本安希范高攀龍輩皆應及早

賜環以光仕版朝廷旣賴其一臂之用而鄉曲中附離之者亦不得藉口佚賢凌駕州邑至于玉立以及丁元薦沈正宗之流搖唇鼓舌翻浪騰波縱寬兩觀之誅難追四夷之逆其餘徒黨亦希

明下詔旨咸與維新令洗滌肺腸其借大道若其稔

惡不悛濁亂未已則有三號之典在庶天下曉然知道學自有真而竊附名流傷人圯族者俱無所可用如是則邪不冒正廣不淆真而奸人之魄自奪矣此一說也一議辨言夫言有是非說理爲是上氣爲非由衷爲是據唾爲非有的據爲是捏空駕虛爲非符輿論爲是執拘自用爲非乃近日此亦一是非彼亦一是非 國家大議有舉朝合論在此而突出數人焉必以爲在彼若謂不如是不足示負嵎之威而明得意于天下雖人之意見不妨互異乃互異山偶然則可耳今不獨一事然而

事事皆然此其故可知也數年來如王元翰李三才韓敬熊廷弼之爭皆後有兩說卽宜條弄九莫之能解臣請自今以後凡有爭議不決 召集諸臣于庭各書議單類總封進乞

皇上賜乙夜之觀斷以理裁以法從其多者施行箕子陳洪範而曰三人占則從二人之言又曰謀及乃心謀及卿士謀及庶人此臣從多之說也至于風影全無羅織任意捏罪名動云可梟可斬言賊仗輒及數萬數千甚有對君之詞謬托無心之解諸如此類仰祈

皇上嚴加勘處以別昌言庶國是定于上而器爭  
息于下矣此二說也一議爵祿自言路之人多而  
京堂之缺少于是設爲例轉以濟其窮而疏其滯  
乃畏例轉者如牽牛入肆欲寬地步于已遂肆擠  
排于人市虎成而曾杼至所從來矣先年例轉者  
監司稱職往往仍得內推如中秘官劣處非久亦  
需次京卿惟是近日言官在藩臬者卽與藩臬程  
資較俸望內轉如登天此人情所由畏外耳今請  
著爲令言官外轉以後察其才品政蹟可內者仍  
遷而通融互換界限不致截然庶同事中疑忌之

惟先斬而中傷之際可消也顧此直爲畏外者言耳以臣所見政謂空言無補何如實用有裨方面爲百姓興除無邊造禍實心實政實功實効臣雖不肖竊有志焉而獨奈何人情內外之視解重解輕也

皇上不可不早一由備以杜弊端此三說也一議名譽夫仕者無非爲名而已顧名有敢言之名有去國之名惟名在敢言于是賢者或爭于所不得不爭而不肖者亦爭于所不必爭彼不肖人爭之而得已收勝局固名也爭之不得而亦詭爲賢者之

慨然以去亦名也今之去者亦大可駭矣思妻成  
病欲歸不能牽累多人而去則有如荆養喬者獻  
詔王圖被人指股併爭職掌而去則有如湯兆京  
者叢議部郎久已買舟欲逃乃乘人言糾發而橫  
口反噬拊一降罷以去則有如賀煊者竊計此輩  
歸而其鄉之人稱之其有司黷陳之優以上實榮  
以棹樸以小人之實而冒君子之名再閱歲時而  
後之晚進銓曹不察來歷但以爲曾經建言曾經  
去國不次優起則又以小人之行而食君子之報  
臣請卽今發賜分別以極離職役重創于今日而

又嚴賜勅諭永懲于後日如是則輕去者不得去輕言者亦不敢言而紛紜之議自少矣此四說也一議閣臣凡小人舉動每窺探閣臣以行其計謂閣臣票擬之地也假令閣臣而有幕賓有狎客卽爲奸回矣唯是以間誠布公集思廣益八字時時體貼利弊之條陳可行卽請行以舒言官之志衷情之陳乞可下卽請下以恤言官之私奸究之糾彈可處卽請處以壯言官之正氣奏章之紕謬可究卽請究以折言官之偏心但問道理如何不問強懦但問法紀如何不問疎親至國家大事



故大疑難明日張膽謀之九卿謀之科道如事關  
某地方則約其地方人共議務析利弊興釐而不  
以地方之一人爲據也事關某衙門則約其衙門  
人共議務諧典故職掌而不以衙門之一人爲據  
也成福聽之朝廷是非付之天下以衆耳目爲

以衆心思爲心思曾不私媚一人私聽一語  
致以訛傳生荆棘以泄漏起戈矛而命士有  
存否矣此五說也一議部院大臣大凡小人  
藉銓地則憲地謂一司進退一司風紀也  
一掌憲皆不可不真者孫丕揚清介絕俗而

其不厭人意在落干假書罔套之中趙與平等無  
奇而其差強人意在脫干時局藩籬之外此年來  
鉅臣之大較也許弘綱和樂易與而佐辛亥之祭  
焚香告天實存公道孫瑋生平可議而認公錯之  
罪逆書省閱猶見良心此年來憲臣之大較也夫  
銓憲所奉先後

明旨自應恪共卽近所爭者其中有應爭有不  
必爭難掩輿論顧所以爭之心謂何耳如一年例  
也在今日則爭而在不揚陞朱一桂胡憲台等之  
日則不爭一職掌也在今日則爭而在弘綱救王  
紹徽

鄧國縉喬應甲等之日則不爭吁難言也臣揣諸  
臣之意順之則附逆之則驅無非爲所欲爲耳往  
事已矣獨計後來掌銓憲者將順之乎不順乎夫  
從前四臣或順或不順而皆以一去結局可見受  
羣奸嗾使者未能一網先已兩傷而存世道公心  
者留固支撐一時去亦榮名異日後來銓憲宜知  
所處矣毋倚母着而置此心于六虛四闕之途不  
偏不徇而還天下于鑑空衡平之宇我不示人以  
順逆誰誰觀我以異同斯亦所以養和平息賢  
也此六說也一議靖獻夫人止此精神既委

臣所宜畢萃于

主上也既比肩而共爲臣所宜合而畢萃于

主上也乃今則異是析人主僭人爵而未聞壹意堂  
精事人之事也草疏者獻一片一曝于

至尊憂憂乎難而至構穴中之聞則三鼓而有餘勇  
矣閱報者見時政缺失地方利弊等疏厭以爲條  
陳套子覽不及竟而睹室內之戈則反覆披讀而  
有餘味矣忌君父而私營捨職業而傍驚人心世  
道大率可知今願諸臣忠肝義膽非公正不發憤  
一切章奏以無所逃之義出之從 朝廷起見不

從人我起見于在我者効捐廉而不予在人者爭  
意氣卽有爭也爭是非不爭勝負爭可否不爭強  
弱爭曲直不爭盛衰況善爭者皆聰明才力萬倍  
恒人奈何不爲 朝廷用乎但一反而正卽正耳  
此七說也一議和衷五倫中獨于朋友曰交政謂  
千里庭除千載旦暮況在同朝事主猶屬奇遭奈  
何而反胡越一舟參商敵面故不必盡無小鄰也  
卽有之而成心可化客氣自捐譬如千年暗室一  
置燈光則千年之暗畢除近日因一人定波及他  
人因一事定扯牽衆事受一彈文必多出一彈文

以相壓去一大老必再去一大老以相陪有勘可  
以行胸臆則督學而挺持三尺者僅以伴去任之  
逃臣有不勘可以行胸臆則科場而賄至萬金者  
僅以附罷閑之察典座主有嫌疑卽併其門生而  
敗也一鄉有要路卽併其鄉人而危也展轉相報  
寧有已時易地而思諸臣亦少溪長之慮乎今後  
願諸臣于人用一恕字奏草下筆時用一忍字事  
如過去用一忘字氣爲理破忿以情鎔一切語言  
如所云局黨等字杜口勿及一家一統何分西北  
東南王土王臣不問晉秦齊楚嗟乎嗟乎天海自

寬焉魚乃狹諸臣但從寬處托身簡廉冠賈無直  
遜美前人也此入說也前四說惟

皇上念之臣讀周書見王道蕩平原無偏黨臣于  
皇上望焉後四說惟大小臣工念之臣讀虞書見帝  
臣師濟允協寅恭臣于大小臣工望焉臣疏具而  
望空呼額曰皇天后土其旃

皇上以併膺大小臣工共會歸于皇極而已伏惟  
皇上鑒臣將臣疏下閣部院酌議臣曷任戰兢  
越之至

癸丑十月三十日

山西道御史陳一元爲用人之人開世道否泰仰  
祈

聖明極簡者舊以襄太平事竊惟國勢之強弱由  
人才之盛衰人才之盛衰由廟堂之用舍故列瑣  
尾于要津如其才足以效勛勩志不過戀爵祿害  
未大也惟指賢爲不肖目君子爲小人禁錮加于  
善類進斥及乎名流此其禍天下最烈寃令正氣  
銷歇清議斷絕而國運隨之矣用人之人可不慎  
與哉國家以用舍之權專屬吏部曰統曰均以  
一人而衡鑑天下方見肩其任者當如衡之平不



容少有低昂如鑑之空不容少有障翳剪棘撤藩  
豈不恢恢乎大同之世道哉頃者尚書趙煥起自  
田間游銓席初政拳拳振幽拔滯臣心甚重之  
自科臣趙興邦見嘲後疑出異已者所捏抗日橫  
二科四道于胸中以與言官爲仇已失衡平鑑空  
一體讀叅曾六德一疏荆棘填胸機械盈腹

千來優容之度遂爲煥所激動名位相軋陰  
之憲臣職掌互持恐蔑再申之

一言路去思鑄于中涓嗟嗟煥乎臣竊  
出矣乃駭救之縱橫致枝葉之滋蔓

稍稍牽及舊尚書孫丕揚以臣之管蠡一疏測之  
丕揚垂白應召抱丹卽聞其歸也以老以病不  
能以人事

陛下辛亥察典大有功于世道獨其誤解要挾轉生  
紛紜臣心亦不以爲然聰明天實限之故當年之  
論丕揚者不必諱其失處而極其起念無非報

### 國家報

君父卽今日之論煥者亦不必沒其得處而極其  
念無非爲身名爲祿位蓋丕揚不識時者也煥  
于時者也兩臣人品臣願且虛懸之以俟異日之

董狐顧今煥去矣惜煥者與非煥者兩持不相下  
之議論各已發揮無餘今亦幸風恬浪息矣繼煥  
之人

皇上可不廣詢博訪而精擇之乎查得 大明會典  
六部各設尚書一人侍郎二人南京減其一都察  
院通政司大理寺亦各有正有貳豈故爲是冗員  
哉衆首一堂共事旣集思而廣益翱翔列署代匱  
亦躡級以進遷故正卿缺則就亞卿中拔其尤亞  
卿缺則就司寺拔其尤于脩官之中寓儲用之意  
我

上環賜無期印劄弗予屈指南北大僚僅十數輩  
其間挺然獨立者固多靡然從風者亦不少此其  
難難在可用之人况當此是非不明邪正互攻公  
論不立私情交起之時萬一以從違分好醜以愛  
憎生予奪將令九列大僚人人裹足此其難難在  
于未用臣默察天下人心若設爲此名以行其忿  
懣必有空國之憂宋臣劉光祖曰相激相勝展轉  
反覆爲禍無窮今日之謂乎計惟有徵岩穴之老  
成以壯國家之元氣布耆碩于 朝宁俾士類知  
有斗山潛移默奪化異爲同使士大夫各營其職

業以事

聖明以相安于無事如耗損之後復用剋剝之劑何以四已消之陽續如綫之脈此其難難在於已用臣愚不勝鯁鯁過計竊以爲必有天下之大襟量其人焉蹇義爲吏部尚書薦伯安堪使交趾夏原吉楊士奇曰遣伯安必辱國上從二人言不遣伯安蹇亦不以爲異已夏原吉爲吏部尚書呂震常短原吉者原吉則亟稱震有守城功陳瑄於靖難初欲殺原吉比原吉司六柄切力薦瑄才竟有功漕運此淵乎大臣之襟量也必有天下之大力

人焉王翺爲吏部尚書知人善用如危信耿九疇  
軒輓年富李東程皆其薦用一時稱得人倪岳爲  
吏部尚書品類獎恬抑躁不恤恩怨正色昌言干  
諤消阻或勸其毋別白君子小人大過僂曰象宰  
職當如是此屹乎大臣之力量也必有天下之大  
風節其人焉馬文升爲吏部尚書中官王瑞以大  
婚禮欲用儒士七人篆刻番字文升執曰本部方  
欲杜塞倖門瑞竟擠之升致仕去許進爲吏部尚  
書劉瑾干撓察典欲庇貪殘進力持不允竟爲瑾  
擠坐朋黨除籍此凜乎大臣之風節也我

皇上菁莪樸棫之化垂四十年于茲豈當吾世四海之大九州之廣合在朝在野遂無其人堪統均之任者乎是在當事者毋徇先入毋拘一隅以天下之望服天下之心以天下之公心用天下之人才于以磨已昏之鑑扶已倒之衡百揆時叙九流無曠國勢轉弱爲強人才有盛無衰此一時也抑臣蚤受書至秦誓之一介臣休容與媚嫉分途而掩卷三嘆曰以人事

君上臣之軌乎自雅道陵遲宰相往往引嫌不薦士亦顧其公私何如耳王曾輔政十年其所進退士

人莫有知之者范仲淹嘗以問曾曾曰夫執政思欲歸已怨使誰當真相天下之龜鑑哉今閣臣葉向高七年秉軸未見其引林賢一人爲朝士第見其納朝士于山林近諄諄以起廢爲

皇上請豈其私衷之慚乎新閣臣方從哲固從告籍中拔出者也輿情久附謀猷方始在

皇上有一番之簡任必有一番之眷注在從哲膺非常之知遇必畱非常之報答恩怨俱捐畛域渾忘懃懃懇懇以感悟

皇上弓旌早賁于衡茅物色嘗先于正人野有拔茅



連茹之慶 朝釀師濟協和之風臣愚且引領俟  
之矣臣閣筆年餘重慚尸素茲以江右之從  
陛辭而南大馬戀主微忱不能自己不揣輒獻其狂  
瞽如此惟

陛下畱神省覽 勅下施行世道幸甚

癸丑十一月十三

南京湖廣道御史周達爲人臣無可去之義 朝  
廷有當重之權懇乞

聖明申飭已往慎簡方來以一法守以勵臣工事臣  
聞君臣之分等于天地故爵祿自君詔之用舍自  
君操之人臣無敢擅也乃今年之內巡按荆襄  
喬去矣因而使御史熊廷弼去矣左都御史孫瑋  
去矣因而致吏部尚書趙煥去矣中間如湯北京  
亦去矣臣誠平心論之養喬奉

陛下璽書巡方 事俱完止上江二縣未考察  
耳稍那五日之間便了一年之局需之時日可以

得代豈不善始善終哉方過聽他人之危言遂爲自全之拙計委

君命于草莽簡書之畏謂何此去之甚無當者也熊廷弼以嚴課士令三吳士風一旦丕變人謂其有回瀾之功乃慙直不阿禍實中于此矣先是科場前人言嘖嘖謂有人惡廷弼而謀去之者不虞數月之後發端自養喬而議勘之覆取

旨如寄此若持券而待彼若執符而合今實心任事之臣半途而廢南中清議至今惜之此不可去而迫之去者也孫瑋以總憲而勘一臺臣于法何礙

而衆人曹起而爭者何蓋以去廷弼者已有成謀而卒于去者則聽勘二字動之也衆爲不平之鳴豈過于孫瑋哉不過重惜其生平而規正其末路耳瑋果出于無心耶不如作速行勘如果廷弼有罪明白與天下共見之廷弼無罪明白與天下共雪之豈不堂堂正正持總之體乎乃計不出此卒致與衆爭強悻悻以去說者曰此却欲以大臣之去錮小臣之出爾若然則廷弼可以不勘而竟結終身之局矣臣謂大臣之心豈若是小丈夫然哉國家功過自明尊卑豈得相軋此不必去而去者

也自孫瑋去而趙煥自不可獨留矣何者職掌之  
爭適值此時縱大臣不失和氣小臣遂借爲題目  
矣人各有心誰不自愛彼既爲東山之蹈此豈俟  
北山之移故爲趙煥者攻固去不攻亦宜去道固  
應爾豈煩再計此去之不得不去者也如湯兆京  
者忽盛氣以加人忽潛身而引退彼固曰吾爭職  
掌不得其職則去耳不思京察欲以處人旣瞞許  
弘綱而賣職掌于孫丕揚年例惡其過已又封孫  
瑋而駕驅逐于趙煥托跡雖高設心甚詭此去之  
不足爲有無者也嗟嗟使延弼之去者誰門之屬

卒使孫瑋諸臣相繼而去者誰作之何所以有識者至今憐養喬之愚而致恨于探術者之巧也世道真可畏已又近有如兵科給事中麻僖之去者可異也彼以常文選而改侍從之誑

君恩原自不薄有病則告病已耳乃稱仙稱佛稱孔子萃二教之名于一身曰夫曰妾曰女子歸棄婦之怨于

明主果真病耶而建言不用之語何爲狂肆于簡端果遺策耶而

聖度洪洋之言何爲乞憐于咫尺此大無人臣禮去

之不可爲訓者也所幸

聖明在上獨照羣情于孫瑋則姑准其去于趙煥則  
諭之馳驛回籍此日月之照天地之無私也第小  
臣之去者未蒙處分

聖德雖寬國體終褻倘人心尤而效之其又何誅  
焉所當各爲罰治以儆將來者也噫去者無容議  
矣第冢宰爲銓叙流品之官總憲爲振飭綱紀之  
地自朝廷視之不啻艱難重大自人情寬之抵  
覺安富尊榮此中得無桀鵠蚌之持以希漁人之  
利者乎又得無上左右之袒以行擁戴之私者乎

治亂安危之機在此一舉

陛下奈何屑越視之而不汲汲擇人以克斯任乎臣  
聞明主聿興不降佐于昊天大人基名不擢才于  
異代故殷周不待襍契之臣魏晉無假蕭曹之佐  
矧以我

祖宗之所培養

陛下之所夙儲豈乏此二人哉願

陛下速勅九卿科道公舉斯選以稱茲任其人須立  
于四虛之途營于一職之內尙稍啓門戶之中復  
成水火之勢世道無由太平煩囂無由止息欲修



衆庶之和以迄無疆之福不可得也

陛下何不自爲社稷計哉臣竊謂人品不同具才有  
限如此重臣先宜論品不獨以才勝也計司此任  
者必平生清白乃能正已率屬持廉秉公自非然  
者身家在念簠簋不飭弗克堪也必素性耿介乃  
能實見得是中立不倚自非然者一味輒熟四面  
占風弗克堪也卽清矣又必集思廣益虛中觀理  
兼聽並蓄舍已從人乃能不執已見不拂輿情自  
非然者剛愎自用或以獨任而成闇先入爲主或  
以偏聽而生奸其害尤不可言者

陛下誠得此清介通達之人以充斯職無言不從無  
奏不報人臣受此清嚴樞要之秩以勤此官無念  
不公無事不平採天下之公畏天下之清議杜小  
人之私議絕處士之橫議當 國家無事人臣和  
于 朝如鑑如衡不作風波于世上以開奸黨窺  
伺之端值 國家多事衆言淆于下如社如怒足  
挺砥柱于中流以張直士敢言之氣疾法守可一  
而臣工以勵其所裨于

社稷生靈非渺小矣在

陛下一加之意耳臣言自覺煩瑣不過欲以去留之

權歸之

主上以慎簡之道望之目前惟

下等意加察

速賜施行臣無任惶悚待 命之

癸丑十一月十一日

京福建道御史王萬祚爲時事不堪再壞

聖衷嘉見未徵懇祈

主輔交修大布剛明新政以息囂混以維國運事臣  
竊惟氣運循環一陽來復我

皇上錫慈幃之慶允藩封之期新輔晉登忠囚釋繫  
濫讞清理不亦寒消凍解藹然見天地之心乎泰  
運宜自茲起矣顧臣目擊時艱 廊廟空虛法紀  
凌替刑禍烈而根深必非舊局彌縫所能消融者  
非亟反柔爲剛破暗歸明何以化積陰而覩清平  
世界乎

聖政無過法天天以生物爲心以行健爲德能助

聖明代天生物法天行健者必賢人君子小人操性

慤刻生機先自絕而無種動輒敗類憍氣日亂營

而罔功不肖容賢止能債事作無益以害有益爭

虛名而受實禍將安用之今者副院總憲冢宰相

繼去而撐持約束之重地俱虛矣試觀趙煥之剛

正不屈許弘綱之平恕苦心孫瑋雖一端談謔有

愧大臣而前有雅望後有悔心今在事諸臣之賢

有不遜此三臣者乎 朝廷不得上臣而用之勢

不能不倚辦于具臣感時憂事之士見憊憊而將

暨筐爪幾摘于抱蔓則有瞬目咽氣已耳古稱不信仁賢其過在君

皇上眷留追挽非相信之深而胡禮意殷篤至此也相度委蛇又非有猜迫之形也三臣二觸邪人之鋒一中邪人之毒皆非尊由心造也觸其鋒者邪人力驅之去以速進已所欲推之人中其毒者邪人計促之去以歸罪已所欲擯之人順之逆之總歸于淪胥以亡吁可畏哉藉口職掌實不爲職掌何也主持者難聽人遽留協贊者非從茲斷絕據理有何可爭若別有肺腸之職掌則又不宜爭也

藉口內旨亦不實爲內旨何也優老者爲國恩  
孤介者無內援據理有何可爭前此王圖輩幾希  
濫及

溫旨則又胡不爭也種種假公濟私不過盡除異已  
遍置私人成就年來已布棋局保日後終身富貴  
而已比如內點二三大僚非其意雖千萬口稱賢  
彼且別生端以撓之外轉一二藩臬非其意雖二  
百年成例彼思特破格以畱之封事一槩畱中  
旣以一槩畱中爲非是稍有分別又以稍有分  
別爲非是自揣公耶私耶幾于抗

皇上使舉措不得行奸良不敢別殫心任事之臣僅以陪醉夢狂癡之臣既外壤畿甸之教化政事老成耆蔡之臣僅以陪澆諱忤成之臣又內壤在朝之銓政風紀

君貺草莽功令升髦於

皇上恩威將無損乎邇厥禍根言路爲梗猶不畏懼而包然之氣相沿若曰英雄惟獨吾儕舉世更無男子尊賢使能之典必謂之爲昆弟姻婭之私威命靈爽之權祇視爲麋蒙狐假之具統百官均四海之事將攬之蠅焚狗竇之中想操莽溫懿當時



之肝膽亦胡以加茲設立諫諍以驅邪豈以長邪  
以扶正豈以害正以匡國豈以亂國亂國者在言  
路之外天下誰不倚言路爲重亂國者在言路之  
內天下誰不謂言路反輕良心之歿久矣鬼神寧  
不殛之此真 廟堂羞以爲臣寮案羞與爲友者  
也譬之人身中之三尸二豎食人膏血以自肥竊  
人魂魄以自靈匪獨喪人性命而門戶中傳染往  
往滅性然後已虞廷誅靜言聖讒說恐惡利口之  
覆邦家者傳稱迸誅四夷見賢而不能舉舉而不  
能先命也見不善而不能退退而不能遠過也然

則今日妨賢病國之臣卽嚴譴猶遲臺臣孫居相  
謂宜辨其是非邪正加以黜陟焉者正宜加之于  
是假君子真小人也後來君子小人不易知也相  
並而觀則亦不難知也聽其言不易知也觀行事  
之實則不難知也

皇上試觀今日之世以愛惜人才脩左右使令者爲  
君子乎戈矛相向掃蕩英賢者爲君子乎身任綱  
常整齊四方者爲君子乎毀冠裂裳傷敗國體  
者爲君子乎博大恬淡逼而後應者爲君子乎濡  
首徒跣傀儡神巫自況此者爲君子乎東西南北

惟命是從者爲君子乎重內輕外擇官而仕者爲君子乎道義相規成人之美者爲君子乎朋比作奸甘爲戎首者爲君子乎臣因是而重騷湯兆京之漏網也

陛下起丕揚于田間而害丕揚者非兆京乎移孫瑋于憲院而害孫瑋者非兆京乎趙煥以考選大察相忤則害趙煥許弘綱以救劉國縉輩相忤則害許弘綱熊廷弼不許青衿保定不徇權要請竭則害熊廷弼呂圖南新按兩浙何爲驟遷則害呂圖南韓浚遠在江右何爲波及則又害韓浚六餘載

烈燭傷者猶難悉數風波略無寧日結局託之一  
逃大臣逃且不可況御史七品官乎外差逃既不  
可況京官從無是例敢作俑乎驚傲倨侮澆然旁  
若無人巧匿善藏希博美遷于後

明旨云以私亂政誠哉其爲亂政也且久矣其爲亂  
政也

旨嚴而罰寬誰不駭爲徼倖非望舊時段然等比科  
臣叅疏稍障顏波北京視彼數人何如至今不見  
摘叅

皇上亦不重處何也重處之者非處諫臣也處邪臣

也非處言官也處逃官也且年來姑息之害亦大  
彰明較著矣吏部都察院一時俱空亦吏部都察  
院自貽此屢空耳舉直錯枉則枉者直不勸不懲  
雖堯舜不能爲治戊申丁酉以來宜年例者不年  
例宜京察者不京察穢迹彰聞減卑造言儼然京  
堂儼然巡方跋扈跳梁欺

君墜友朋俸已錯降俸何爲酒史徹而供客流御園  
疎而狂夫踐齏齏殉穴以臨惴惴之良人  
晚跋跋之狡鬼卽如今一大奸既不  
事之先又不能處之察事之後狂肆不  
事之先又不能處之察事之後狂肆不

不言身朝臣子畏奸臣甚于畏朝廷寧不大可怪  
哉惟也居相不察仍爲左袒四面狂擊罔念未休  
豈非以毒魔夙入其心膽故牢不可拔哉又有旁  
竄出位願爲賀煥之續保及于玉立丁元薦者則  
若謂邪臣活套處處可以抄騰又有呼孔孟仙佛  
出國門去者雖苦衷不同亦使人謂逃臣覆轍往  
往可以承襲長此不已 國祚不隨邪禍以去者  
幾三代而下惟患不好名顧臣責脩賢者猶謂大  
臣不有其身乃可以濟其君附邪戀位者固于時  
有損高蹈全名者亦于時無益蓋身則得矣如

國事何嗟乎使前數年而有煥則內外去留之間  
必有所主持裁酌不至流今日之禍使煥能強忍  
再留數月如新掌院新副院皆推得其人奉有  
俞旨遠近山林有用之良才忠義之弼士亦奉有  
旨然後飄然引退輩亦必有所救濟第惟是頑鈍之  
名難甘士義無辱謝彼婦之口惟有出走周詩之  
鼠思泣血無言不疾老臣心正自苦耳

人主可不深思其故哉爲今之計則當亟求正人以  
實重地醜女畏明鏡貪夫畏平衡山峨屹則人自  
不敢撼淵清廣則人自不敢入若然者可以率銓

要則在輔弼之臣雨雪非見覲不消魑魅非雷霆不攝斬妖降魔外道不廢況帝王聖賢治世自有正法當斷不斷反受其亂今輔臣葉向高豎立門戶禍慘憂心內切勢急無奈矣讀其疏則猶似乏全識鮮剛氣者如曰藩籬未破攻擊頻仍不知天下本無事庸人自擾之有擾害國政者則必去除擾害以安邦國者君子能忘情于小人小人不能忘情于君子自固藩籬破壞宇宙反攻君子者小人也有破藩籬完全宇宙消化小人者君子也誰爲得已誰爲不得已總題之曰攻擊不亦混乎



輔臣又曰黨人之禍與國始終名不可立端不可開故常欲彌縫消弭犯調停之譏勿恤獨不念此時何時哉猶可恃調停爲長策哉何代無小人聖祖神宗朝可據云此輩不生惟是明良在上彼以其才智用之于規矩準繩以取功名故消化不覺藉令此混纏誣罔輩當

肅皇帝時亦能如此之無忌憚否輔臣又引牛僧孺李德裕爲戒不知僧孺小康貢諛大計坐失有何忠義之骨德裕憎白居易忠諒好敏忠附已休宏安在兩人無羣渙朋亡之本且身入分門角勢

之中是正今日所當痛改者禍已見而曰端不可  
開實久彰而曰名不可立不幾于掩耳而盜鈴乎  
臣願

陛下特諭新舊輔臣自省厥心平日超然在門戶外  
者無如修善治真跡無如除監稅懲貪吏之類固  
云云氣講訐謔遠猷如足兵食修戰具之類壯我  
神氣實地精神用之反經經正則庶民興以樹士  
之標準拔茅連茹廣羅豪傑使羣賢充實濟濟  
同心絕僉壬之窺伺日與羣卿百執事議政于  
月而確可否廓然開誠布公集思廣益中庭無私

鵲林下無私交收小往大來之實驗蓋同人于野  
出門自然有功升其高陵伏戎自然不發書之史  
冊爲名宰執其在斯乎儻側陋未揚門戶先染苦  
千里投交之難却嘆一時詭計之偶售舉事墮術  
中大德尚可益其小德改念卽君子小羣何難渙  
作大羣從茲而往大公至正之途會見回天捧日  
若更流入暗谷重崖之境便成積雪深冰盍亦思  
社稷隆替所係則漢臣不拘小嫌而戀友晉相能舉  
大義以滅親况剝膚利害非遙則慷慨殺蛟者爲  
勇夫毅然斷虎者爲名士詩云君子如怒亂庶遄

沮是今日之急務也中出之

旨近時往往有之顧所出爲敬大臣體羣臣則清而尊所出爲私害公利破義則混而褻祗緣

宮禁杳隔遂令言者兢猜今宜間一

召見宰輔永絕貂璫請乞庶消內外之疑邇來無耻邪輩有以縉紳與刀鋸刑餘叙里戚姻契諧宴餽之歡好陰市債以結交盟擅指天非位極人臣此宿負終無還理香餌一吞則内外安得不相庇援又有稱内侍之子弟乳保之骨力能徼賞市恩遂令逐臣罷吏銅臭衣冠樂與商賈共行輦載苞苴

欲取故與兩者乃濁內政使人莫辨之源不可不嚴搜捕之令科道官杜絕于外絕嚙笑之假

皇上又時防之于內是今日之急務也凡此者皆所謂剛明之實政也不然謂通言之爭爲不必聽謂私鬪之隙爲不足虞寸陰可惜大業無成必有如熙豐潛伏畢仲游常安民洞若觀火天若祚宋之語能起司馬光而再詰之乎可憂者一今天下倖而太平正大夫三事莫肯朝夕夙夜于王有加鋒鏑在前四郊多警大臣託疾小臣避災不假託混爭之名全軀保妻子不已也

人主孤立于上左顧右盼誰與相倚彼時悔之晚矣  
可愛者二小人與內官其氣每相感召常相糾結  
漢唐宋之末皆然肯以國柄讓者必自小人始故  
人主操柄不可頃刻離今羣臣鬪爭宰相推諉倘  
皇心轉厭則萬幾倦時宵小竊之如王振劉瑾時不  
難矣雖萬無是事寧容有是機乎可憂者三治天  
下者在識時當陰柔壞政國空之後豈得仍以陰  
濟陰當陽光破暝人悅之時何難使盛而益盛  
日省臺多昌言如八議等疏

皇上宜命輔臣採擇以切中時病者置之座右臣識

暗淺不敢以嘖爲諱復陳愚惴見南北共籌匡時  
之策不踰于此伏惟

聖明留意省覽見之施行大小臣工亦務反求同歸  
于真聖學勿再混混自負此生臣無任悚慄待  
命之至

癸丑十二月

戶部河南司郎中李朴爲奸邪科道結黨要錢驅逐正人紊亂朝政

皇上當斷不斷反釀禍胎懇乞密行查訪嚴究一二并允斬臣以明赤心事竊惟朝廷設立科道借以言路授之權勢原爲潔已奉公糾彈不法非令其挾制各衙門說事要錢亦非令其結黨徇私排擠端人正士蒙蔽朝廷耳目令

皇上孑然獨立也今乃交結戚畹近侍挾制內閣部院大臣京中各衙門無日不說事無日不要錢褻衣小轎全無體統今日上城隍廟明日遊燈市今



日在某商人家坐一夜明日到某相公家坐三更宿娼唱戲無所不爲如鬼如蜮如盜如賊自己要錢却叅別人要錢自己說事却叅別人說事自己結黨却叅別人結黨自己捏造流言却叅別人捏造流言明欺

皇上不行查訪明欺

皇上不行查奏明欺閣臣柔懦之甚明欺部院罷軟之極大家混做一團不恤國家之危難臣謂此輩皆可斬也孫瑋爭執掌則羣攻之湯北京爭執掌則羣攻之孫居相周起元李邦華等爭執掌則

奪攻之今去者去罰者罰矣獨一孫居相猶謂之  
黨孫居相一人耳何能爲黨彼浙江人則姚宗文  
劉廷元等湖廣人則官應震吳亮嗣黃彥士等山  
東人則元詩教等四川人則田一甲等四省合爲  
一夥百人結爲一心其他如趙興邦等猶不過托  
勢附炎之人耳

皇上試思孫居相一人對姚宗文等百人居相反是  
有黨乎姚宗文百人對居相一人宗文等反是無  
黨乎今日叅東林亂政明日叅東林亂政東林有  
一何權勢見作何官見作何衙門管事今見任風憲

月言言  
八  
挾上嚇下反是無權勢林下閑居者反是有權勢  
乎見在衙門通賄庇奸者反不是亂政林下閉門  
讀書者反爲亂政乎三尺童子亦不能欺而乃以  
之欺

皇上明明說謊明明戲侮真可斬也至如賊私數萬  
之黃克績已叅者反爲留用清風百代之顧憲成  
已死者猶爲糾彈失機問明之陳用賓猶爲打點  
出脫插標鬻爵之趙煥猶爲稱勢頌德執法不阿  
之孫瑋反爲誣捏驅除殺人媚太之熊廷弼反爲  
抵死求解賄買科場之韓敬已經公議猶爲稱冤

拉殺 楚宗之山沉一貫已奉

明旨猶阻不勘至若王日乾所奏之事何等重大何等關係科臣吳亢嗣說事要錢一一招出今反爲把持含糊稽滯其故難言之矣何怪乎一坐談間向孫鼎相囑託數人也此正望

皇上剖斷邪正立賜處分然 內旨降罰正人短氣更望

皇上速行察訪不可專委一人如同奏不實卽且重處只查科道是否褻衣小轎遊街喫酒是否挾制各衙門說事要錢是否夜聚曉散攢謀詭計如果

得實自有

祖宗結黨亂政之條自有

祖宗風憲官受賊之條一一嚴究如律正罪庶羣黨少知儆省天下猶知有

皇上之尊不專有科道之尊猶知有 朝廷法紀之大不專有科道勢利之大科道卽殺臣之身不能殺臣之心卽殺臣一人之身不能殺盡天下之忠臣義士也今京中上自大臣下至百姓無不知科道之貪之橫無不罵科道之奸之欺卽科道中如翁憲祥李成名劉策張鍵潘之祥崔爾滋馬士禎

等亦深惡其敗羣唯有頓足長歎不爲

皇上明言若閣部大臣拱手聽命自救不服誰敢當其鋒哉

皇上只一密訪便知真偽豈有

明明天子使奸邪小人欺弄至此耶臣草此疏無一字之欺無一言之妄無一毫之私無一毫之偏一味質俚全無文飾仍乞先斬臣頭懸之都下以明臣一點赤心唯知報

主不知顧身唯知盡忠不知怕權勢不愧

皇上不愧九廟而已令彼附勢結黨徇私滅公者

俱不能立臣死何恨諸好事敗亦少不得一死卽不死然心死久矣天下豈有終不明白混陷世界到底乎臣忠憤所激恨不卽死蓋先年臣自觸時事曾有疏聞倘蒙

聖明洞鑒宵壬咋舌乃今廉隅盡掃鴟梟橫張鹿可爲馬白可爲黑長此不已國家之敗豈不痛哉爲此拚命拚官瀝血奏聞臣不勝激切待命之至

四十一年十二月初十日

陝西等道御史劉廷元田一甲等爲公道不明妖言肆起懇乞

勅勘究實證嚴明罰以遏邪氛以保善類事臣等覩頃者言路紛囂乞援旁竇使好事僉壬橫口無忌當事者每從中調劑而寬縱之似有招之使來者心知殺人報讐之後必有繼之以行劫者矣乃今戶部河南司郎中李朴一疏實如臣等所料夫李朴固地迫剝膚而愚可從井者也朝廷言責明以寄之臺省諸臣非必謂部寺不得有言也顧必有大奸惡大權勢國法所不得伸言官所未及發



者邵寺諸臣不顧死亡而誅之以筆舌乃足重耳  
近年部臣疏中如邵輔忠摘李三才之奸秦聚奎  
舉孫丕揚之失何可多得其他假建言以行者大  
都有二端其一以

皇上章疏槩不檢發得者不行失亦不究舍其職業  
聽人族使叫號狂呼以希名高其一以性本躁競  
行復紕繆進無善謀退無完策計以破甑巧附強  
壘東激西掩以圖脫網如李朴者持身而四維盡  
裂服官而百醜全彰自知必敗則其狂吠之意于  
二者必有所居矣方今門戶分歧議論龐襍幾成

空國之禍尚幸言路諸臣正氣不撓讜言時進  
令古今之公道國家之人才存十一于千百而  
儉毒若朴乃欲以奸邪二字一舉而空人之國邪  
不知

皇上何負于朴不憚留一正人以成偏聽獨任之奸  
也且朝政一切紀綱奸弊有公卿可以勘議有  
臺省可以糾駁果係不公不法諸臣亦可直言無  
隱而密訪何爲是西廠之法先朝所謂大蠹而  
亟亟更張者也言及于此而朴之本謀全露焉邇  
來聞邪輩理屈計窮以封章之數奏恐真偽難

掩于衆目而 朝廷之執諍亦枉直立分于片語  
思欲于暗中流傳密地捏造以圖中傷今果然矣  
彼但知爲李三才翻局而不知祇添一重公案也  
彼但知爲趙剛樹幟而不知自罹萬劫罪苦也切  
恐通濫數十萬之金錢可以翻覆雲雨厥衙千百  
端之鈕結可以顛倒乾坤而

聖明有洞鑒 九廟有神靈萬姓有口碑奸耶誠耶  
邪正耶貪橫耶清謹耶必有能辨之者以朝士而  
驚權閹豎以清時而倡言告密若郎中李朴者  
聖世豈宜以爲臣冠紳豈屑與爲伍哉叅照得李朴

蠢同木石毒若虺蛇從筮仕以來率多穢狀自營身而外盡是殺機特因規避情濃遂肆萋菲之口實復與援勢熱欲開羅網之門無鹿便能指馬見影卽以射人盡塗公道謀雖工于一網誰生厲階爰將釀于百年謾言若不卽殄善類必至盡空真不祥之人宜坐妖言之律者也除朴事關倉儲者臣甲另具疏叅外謹合詞以懇伏乞

皇上亟 勅閣部諸臣從公勘議如果朴言有據乞卽斬臣等以爲科道奸貪之戒如言無影響自宜坐以應得之律以爲妄言附黨之戒若使閣部大

臣坐視不理令羣小肆無忌憚實如朴所言柔懦  
罷軟之極者何以任天下之重哉臣等不勝激切  
惶悚待 命之至

四十一年十二月十二日

直隸巡按田一中爲部臣附邪醜正避議通誅密  
布網羅陰啓謗訐懇乞

廷斷勘明以杜禍萌事切自門戶各立以來其爲言  
路之禍久矣彼初欲網臺省而盡入其門旣勢有  
不能而仇心漸灼又有不負 朝廷不負所學之  
士時有孤憤不無攻鬪而彼驅除異已之念遂四  
起焉凡觸其鋒無不殄滅甚至黑白不分是非互  
異而君子以小人爲結黨小人亦以君子爲結黨  
矣君子以小人爲貪邪小人亦以君子爲貪邪矣  
毋怪乎戶部郎中李朴以奸邪歸之科道以結黨

要錢歸之科道以驅逐正人紊亂朝政歸之科道也嗟嗟科道而果如此奸邪也且如此奸邪之多也豈惟辱青瑣而污蘭臺卽衾影抱慚而妻子莫對

皇上試問之公卿百執事若姚宗文等錚錚者乎抑逐逐者乎朴言及四川而舉臣名以入臣而爲朴所攻也臣之幸也臣幸同姚宗文等而爲朴所攻也臣所以免于耻也臣亦硜硜自好者朴混加以結黨過錢于臣等然京師所稱可說事過錢者最甚則吏兵其次則戶禮刑工及五城巡視等衙

門耳

皇上試問六部五城臣受命一年以來曾有片紙干囑一事乎卽可以欺

皇上必不可以欺各衙門之諸臣而臣敢妄爲此言否也然以是言而出之李朴之口則爲幻妄理不必辨以臺省衆臣而爲一黨邪之部臣所指則爲瑣屑義更不當辨臣何敢置置焉獨臣自忖萬里孤踪僻在西鄙非若楚浙衆正彬彬見忌于門戶而朴猶指及者何也蓋臣不常叅胡忻乎不常併叅及趙剛乎不常剖分門戶之從不乎此皆朴膏



盲之病也蓋朴固秦人而官于晉者也彼其目中所見無非門戶而姚宗文等與臣皆其碍眼之人宜其反噬矣然臣又有以窺朴之私衷焉朴管通倉新陞而始離任者也臣則受命巡倉者也朴在倉頗有物議而又竄身門戶欲以固位而行私竊恐臣之議其後也則嫉賢攻異併及臣焉圖以杜臣之口不知臣有年誼有同事之誼臣向僅一條陳畧點其所行之跡而不直斥其名以聽朴之自省悟耳即使朴不噬臣臣猶存忠厚而隱忍以俟而今迫于大義矣請稍言其大凡可乎伴當

張良勲則朴之腹心也書辦蔡虛白門子趙良玉則朴之左右手也五門歇家一百二十五名則朴之日用飲食交際供給也放軍月糧每石九斗則朴之常規也轉米出賣每次千石則陳大陳謙等之經手也囤米之人則郭奇盧道等衆也寄囤之戶則李監生王寡婦等宅也娶妾陳氏故革歇家三十餘名每名以五兩送妾父而復入則朴之財禮也娶妾王氏姊妹因爭寵而毆斃其姊復以銀買囑其父使之無言則朴之閭範也此臣所耳目最真今敢以告之

君父者也乃其瑣細奸貪之狀猶可縷指職且不敢  
悉陳以傷雅道焉若此之過錢有憑乎無憑乎而  
奈何反以結黨過錢橫加之科道哉孫居相臣衙  
門中前咎也雖各意見不同而同臺之誼原無反  
唇誰爲羣攻之而朴爲此挑激耶翁憲祥等均爲  
言官均立于四虛六闕之途朴欲拉而入之門戶  
中在憲祥等必不受也祇露其將伯之苦耳至東  
林中原有高賢顧憲成原是真品諸臣之闢闢其  
依草附木者耳而朴之抵死護法奈何惟以憲成  
爲口實乎雖然職之媿媿陳言猶非朴之詆臣也

切見其肆言無忌無人臣禮而機鋒隱隱欲以啓  
聖明偏聽之漸而開縉紳慘禍之門何言乎從來  
明天子在御叅糾則寄之言官勘議則寄之卿相此  
外間人瞽御則供掃除無預外事焉惟自昔汪直  
用事創爲西廠訪察隱微在朝士紳重足而立幾  
成坑儒之慘而李朴今欲

皇上速行密訪又云不可專委一人夫密訪則非大  
廷廣衆之公論矣又巧言以無專諉則皆左右前  
後之貂璫矣想朴之所擁戴非趙剛則盧受也不  
然豈不知 官府久隔而訪可云番委可云專委

耶幸

皇上天縱聰明不爲所惑不然汪直劉瑾之禍朴爲作俑矣伏惟

皇上勅下部院諸大臣詳勘科道諸臣果有奸邪結黨亂政之徒卽宜迸之四夷以禦魍魎如朴所指姚宗文等悉係公忠乞將邇來出位妄言附和邪黨掃蔑言官暗侵國柄如朴輩者悉付之法俾無逃兩觀焉若夫朴監督倉儲奸貪諸實跡併乞勅諭該部堂上官嚴究議處如例又自司農職掌也如此庶朝廷耳目不致輕微國法王章益

爲尊重而可免于黨禍之成不流于漢唐宋之季  
矣職無任激切待命之至

四十一年十二月十三日

行人司添註行人劉宗周謹揭爲妄言被糾據疏  
質明以彰公道事臣於萬曆四十一年十月以拜  
疏爲修正學以淑人心以培 國家元氣事臣竊  
見近日世道交喪黨論方興其病乃在學術未明  
因發明東林顧憲成之學以見攻之者與應之者  
俱不能無過臣區區朴忠自信從世道起念雖觸  
時忌而不顧臣且席藁靜聽出位之誅久之而南  
京山西道御史孫光裕糾疏至矣臣以言獲罪臣  
復何言顧御史猶不忘忠告尚欲臣發明未盡之  
旨臣敢無說而處于此御史摘四以黨之一字乃

小人借以傾君子之術學道者言不忍出口臣甚服之第不知今日之黨彙將中于門戶內乎抑中于門戶外乎自荆養喬熊廷弼二御史之行勘也救廷弼者誰不冤東林以主使至欲立奸黨之碑榜之朝堂未知所坐輒直發黨人之禍以攻于王立繼之者又及丁元薦矣牽連朝野日引月長臣不恤以螳臂當之就中間解要歸自反而顧以構黨之罪反坐愚臣乎夫三尺法乃朝廷所以肅紀綱也安所借亦安所撓今日之勘出此入彼非坐廷弼則反坐養喬名義在前鬼神在上雖



諸臣無如延弼何且如養喬何安論區區事外一小臣而曰巧爲養喬也乃若崑宣之黨與不黨臣實未嘗懸坐天下徭以今日紛紛之構實自崑宣之獄始不見辛亥之察爲王紹徽爭年例劉國縉爭浮躁湯賓尹爭不謹乎不見自來柒指宣城者輒成罪乎又不聞顧李之敗多爲邪正域訟知交乎南察之至今膾炙人口者則處一攻崑之劉時俊段然也不然時俊亦攻淮之表表者也曾不得與紹徽諸臣同類而共寃之乎然則天下之抱不平於二氏者非一日矣故曰崑宣之積怨也寃崑

宣者未有不嫉東林也嫉東林者未有不合救廷  
弼者也御史詰臣爲東林黨李三才黨王圖乎則  
臣不坐臣固謂今天下宜崑宣自崑宣廷弼自廷  
弼救者自救攻者自攻東林自東林王李自王李  
兩不爲黨而兩相入孰爲門戶以內門戶以外則  
天下太平此臣所以分東林之罪也夫自李三才  
之援書發而酷信憲成救三才者無虛日致與天  
下爲難紹微諸臣不免染指而罷出試向東林問  
之曰諸臣之罪成于卿手亦復何辭雖然准可攻  
也宣城可比于假道而憲成爲朝陽之西門則亦

盈庭功過之隣也高攀龍與憲成上下議論不絕  
淵源天下信之憲成歿而戈矛無向勢必踪跡攀  
龍何意御史發此一段公案窮治到底直令東坡  
無一片乾淨地訛分有罪訛分無罪哉辛亥之役  
耀州宣城實相水火王劉底宣以圖太平卒爲秦  
人所持于東林何涉懸坐攀龍臣實不服金吾謗  
崑山崑山時已敗矣何必又傳謗書以益之况殉  
以沈思孝乎此其情狀詭秘出於險邪之播弄而  
攀龍不覺墮其術中偶爾吐洩容或有之何足深  
咎御史刺刺不休抑猶有崑之憾于至若于玉立

嘗與部正域之難矣天下孰不望而義之一日姻  
姪之書入而罪案成則指斥宣城之以也元薦忤  
時宰被祭先後淪落幾二十年部郎一召席未煖  
而罪案成則察後一疏指斥崑宣之以也然則東  
林之罪極口道盡不過養交好事嫉惡太嚴卽二  
人瑕瑜不掩要不失爲君子是故以莫須有之罪  
坐攀龍則攀龍不服以標榜雌黃熒亂天下之罪  
坐二人則二人不服就中分割流品高者進於功  
名顧高是也卑者進于富貴于丁是也亦庶幾洗  
東林之冤乎嗟嗟東林何罪哉自

皇上畢世怒忠而江河意氣不免成此一種褊激學問識者但當哀其風會之流擴以包荒引之大道何至相噴相忌輒以口舌之罪坐亂政之科傷天下賢人君子之心激成黨人之禍豈不深可惜哉柰何更言推轂天下士也雖然御史亦苦心卽攻東林三字亦且勘破其曰大道爲公遵皇之極一言蔽之矣臣自媿不學猥非知東林者區區匡救之意過於皈依旣悔淮撫之救復反崑宣之戈不意反成挑激理或有之無所逃罪惟是勘議關係國是謂以臣一言倒翻公議臣不敢承謹一面席

冀待罪姑從御史所問明白者再一申言質之  
朝野非敢好辨也謹揭

甲寅正月十二